

BOSNA I HERCEGOVINA
FEDERACIJA BOSNE I HERCEGOVINE
Federalna agencija za upravljanje oduzetom imovinom



IZVJEŠTAJ

O RADU I FINANSIJSKO-MATERIJALNOM POSLOVANJU
FEDERALNE AGENCIJE ZA UPRAVLJANJE ODUZETOM IMOVINOM
ZA PERIOD 1. 7 – 31. 12. 2020. GODINE

Sarajevo, januar/siječanj 2021. godine

SADRŽAJ

1. UVOD.....	3
2. NADLEŽNOSTI AGENCIJE.....	4
3. RUKOVOĐENJE I ORGANIZACIJA AGENCIJE.....	5
4. STRATEŠKI CILJ – Povećanje učinkovitosti svih procesa koji su direktno ili indirektno vezani za proces upravljanja oduzetom imovinom u skladu s legislativom i dobrom praksom Evropske unije.....	5
4.1. Operativni cilj 1 – Očuvanje vrijednosti oduzete imovine.....	7
4.2. Operativni cilj 2 – Učinkovito postupanje trajno oduzetom imovinom.....	17
4.3. Operativni cilj 3 – Provođenje analiza u području oduzimanja imovinske koristi pribavljene krivičnim djelom.....	22
4.4. Operativni cilj 4 – Stručna edukacija iz područja finansijskih istraga i oduzimanja imovinske koristi pribavljene krivičnim djelom, unapređenje saradnje i koordinacije između Agencije, pravosudnih organa, policijskih agencija i drugih institucija koje imaju obavezu da postupaju po odredbama Zakona, te uspostavljanje i unapređenje saradnje s istim ili sličnim agencijama iz zemalja regije i Evropske unije.....	25
4.5. Operativni cilj 5 – Iniciranje izmjena i dopuna zakonskih i podzakonskih akata i donošenje provedbenih akata koji normativno razrađuju proces oduzimanja i upravljanja nezakonito stečenom imovinom.....	30
5. BUDŽET AGENCIJE.....	33
6. PRIJEDLOG MJERA ZA UNAPREĐENJE RADA AGENCIJE.....	34

Na osnovu člana 29. Zakona o oduzimanju nezakonito stečene imovine krivičnim djelom („Službene novine Federacije BiH“, broj 71/14), a u vezi s čl. 17. i 18. Uredbe o planiranju rada i izvještavanju o radu Vlade Federacije Bosne i Hercegovine, federalnih ministarstava i institucija („Službene novine Federacije BiH“, br. 89/14 i 107/14), te Zaključka Vlade Federacije Bosne i Hercegovine o usvajanju Plana rada Federalne agencije za upravljanje oduzetom imovinom za 2020. godinu V. broj: 1430/2019 od 5. 12. 2019. godine, v. d. direktor Federalne agencije za upravljanje oduzetom imovinom Vladi Federacije Bosne i Hercegovine p o d n o s i

IZVJEŠTAJ

O RADU I FINANSIJSKO-MATERIJALNOM POSLOVANJU FEDERALNE AGENCIJE ZA UPRAVLJANJE ODUZETOM IMOVINOM ZA PERIOD 1. 7 – 31. 12. 2020. GODINE

1. UVOD

Federalna agencija za upravljanje oduzetom imovinom (u daljem tekstu: Agencija) je nezavisna i samostalna upravna organizacija osnovana Zakonom o oduzimanju nezakonito stečene imovine krivičnim djelom („Službene novine Federacije BiH“, broj 71/14 – u daljem tekstu: Zakon).

Propisi u Federaciji Bosne i Hercegovine koji definiraju ovu oblast, a samim tim utječu na rad Agencije, osim navedenog Zakona o oduzimanju nezakonito stečene imovine krivičnim djelom („Službene novine Federacije BiH“, broj 71/14 - u daljem tekstu: Zakon), su Krivični zakon Federacije Bosne i Hercegovine („Službene novine Federacije BiH“, br. 36/03, 37/03, 21/04, 69/04, 18/05, 42/10, 42/11, 59/14, 76/14 i 46/16 i 75/17), Zakon o krivičnom postupku Federacije Bosne i Hercegovine („Službene novine Federacije BiH“, br. 35/03, 37/03, 56/03, 78/04, 28/05, 55/06, 27/07, 53/07, 9/09, 12/10, 8/13 i 59/14), Zakon o izvršnom postupku Federacije Bosne i Hercegovine („Službene novine Federacije BiH“, br. 32/03, 52/03, 33/06, 39/06, 39/09, 35/12 i 46/16) i Pravilnik o postupku prodaje, najma, čuvanja i održavanja oduzete imovine („Službene novine Federacije BiH“, broj 5/16).

U okviru svoje nadležnosti Agencija ima javna ovlaštenja za donošenje podzakonskih akata kojima se uređuje način djelovanja Agencije, pa je na osnovu tog ovlaštenja Agencija donijela Odluku o utvrđivanju kriterija obračuna troškova čuvanja i održavanja privremeno oduzete imovine („Službene novine Federacije BiH“, broj 60/16), Uputstvo o načinu provođenja postupka javnog nadmetanja prodaje trajno oduzete imovine („Službene novine Federacije BiH“, broj 57/16) i Uputstvo o uspostavi, vrsti i sadržaju evidencija o upravljanju i raspolaganju nezakonito stečenom imovinom krivičnim djelom („Službene novine Federacije BiH“, broj 2/17).

Na osnovu navedenih zakona i podzakonskih akata, Agencija preuzima i upravlja oduzetom imovinom nezakonito stečenom krivičnim djelom.

2. NADLEŽNOST AGENCIJE

Nadležnosti Agencije utvrđene su članom 30. Zakona i to:

- upravljanje privremeno oduzetom i oduzetom imovinom po odredbama Zakona i drugih zakona;
- provođenje analiza u području oduzimanja imovinske koristi pribavljene krivičnim djelom;
- stručna edukacija iz područja finansijskih istraga i oduzimanja imovinske koristi pribavljene krivičnim djelom i
- obavljanje i drugih poslova propisanih Zakonom.


Agencija u provođenju svojih nadležnosti u skladu sa članom 31. Zakona obavlja sljedeće poslove:

- skladišti, čuva, prodaje, vrši najam imovine oduzete na osnovu Zakona. Ako za to postoji opravdana potreba, ovu imovinu Agencija može povjeriti na čuvanje drugoj instituciji o čemu se zaključuje poseban ugovor;
- vrši stručnu procjenu vrijednosti privremeno oduzete i oduzete imovine po odredbama ovog i drugih zakona;
- vodi evidencije o imovini kojom raspolaže i upravlja, sudskim postupcima u kojima se odlučuje o takvoj imovini;
- prikuplja od nadležnih institucija podatke, statističke izvještaje i druge informacije iz pravomoćno okončanih postupaka za oduzimanje imovinske koristi u skladu sa Zakonom, s ciljem obrade i analize tih podataka i informacija, uočavanja trendova u vršenju krivičnih djela iz kojih se pribavlja imovinska korist;
- prikuplja informacije iz sudskih registara, Porezne uprave, Registra vrijednosnih papira i drugih javnih registara koji se tiču vlasništva nad imovinom;
- vrši analize i procjene rizika sa ciljem identifikacije faktora i okolnosti koji pogoduju pribavljanju imovinske koristi iz vršenja krivičnih djela;
- objavljuje redovne i godišnje izvještaje o stanju u oblasti oduzimanja imovinske koristi pribavljene krivičnim djelom, te ih dostavlja Vladi Federacije Bosne i Hercegovine (u daljem tekstu: Vlada Federacije BiH) i Parlamentu Federacije Bosne i Hercegovine (u daljnjem tekstu: Parlament Federacije BiH);
- obavještava Vladu Federacije BiH i Parlament Federacije BiH o rezultatima analiza u području provođenja zakona ili drugih propisa o finansijskim istragama i oduzimanju imovinske koristi pribavljene krivičnim djelom;
- inicira i daje preporuke za unapređenje pravnih propisa u oblasti provođenja finansijskih istraga i oduzimanja imovinske koristi pribavljene krivičnim djelom;
- sačinjava prijedlog Strategije za oduzimanje imovinske koristi pribavljene krivičnim djelom u Federaciji Bosne i Hercegovine (u daljem tekstu: Strategija) i Akcionog plana za njeno izvršenje, te ih upućuje Vladi Federacije BiH i Parlamentu Federacije BiH na usvajanje;
- koordinira i prati provođenje Strategije i Akcionog plana, te daje mišljenja i preporuke za njihovo efikasnije provođenje i
- u saradnji s drugim nadležnim institucijama učestvuje u obuci državnih i policijskih službenika i nosilaca pravosudnih funkcija u vezi s finansijskim istragama i oduzimanjem imovinske koristi pribavljene krivičnim djelom.

3. RUKOVOĐENJE I ORGANIZACIJA AGENCIJE

Rukovođenje Agencijom je utvrđeno u članu 26. st. (2) i (3) Zakona, dok su ovlasti direktora, poslovi organizacionih jedinica i ostala pitanja vezana za organizaciju, upravljanje i rukovođenje organizacionim jedinicama utvrđeni Pravilnikom o unutrašnjoj organizaciji Federalne agencije za upravljanje oduzetom imovinom na koji je Vlada Federacije BiH dala saglasnost Odlukom V. broj: 454/19 od 9. 5. 2019. godine („Službene novine Federacije BiH“, broj 31/19), kao i drugim pravilnicima i aktima koji se odnose na radne odnose i cjelokupno funkcionisanje Agencije.

Pravilnikom o unutrašnjoj organizaciji Agencije, predviđeno je da poslove i zadatke izvršava 25 uposlenika, organizovanih u tri organizacione jedinice i to:



Grafikon 1: Organizaciona šema Agencije

Agencija poslove iz svoje nadležnosti obavlja samostalno u granicama ovlaštenja utvrđenih Zakonom i drugim propisima, te u okviru raspoloživih finansijskih sredstava i odobrenog broja izvršilaca od strane Vlade Federacije Bosne i Hercegovine.

Na kraju ovog izvještajnog perioda poslove i zadatke u Agenciji obavlja 15 uposlenih, što predstavlja 60 % od ukupnog broja sistematizovanih radnih pozicija.

4. STRATEŠKI CILJ


U skladu s nadležnostima utvrđenim Zakonom, Agencija je Planom rada za 2020. godinu definisala jedan strateški cilj - **Povećanje učinkovitosti svih procesa koji su direktno ili indirektno vezani za proces upravljanja oduzetom imovinom u skladu s legislativom i dobrom praksom Evropske unije**, čije ostvarenje su u izvještajnom periodu podržavale aktivnosti iz pet operativnih ciljeva, i to:

1. Očuvanje vrijednosti oduzete imovine;
2. Učinkovito postupanje trajno oduzetom imovinom;
3. Provođenje analiza u području oduzimanja imovinske koristi pribavljene krivičnim djelom;
4. Stručna edukacija iz područja finansijskih istraga i oduzimanja imovinske koristi pribavljene krivičnim djelom, unapređenje saradnje i koordinacije između Agencije, pravosudnih organa, policijskih agencija i drugih institucija koje imaju obavezu da postupaju po odredbama Zakona, te uspostavljanje i unapređenje saradnje s istim ili sličnim agencijama iz zemalja regije i Evropske unije i
5. Iniciranje izmjena i dopuna zakonskih i podzakonskih akata i donošenje provedbenih akata koji normativno razrađuju proces oduzimanja i upravljanja nezakonito stečenom imovinom.

Navedene aktivnosti Agencije koje su realizovane u izvještajnom periodu su u skladu s Godišnjim planom rada Agencije za 2020. godinu, koji se temelji na viziji Agencije da u toku 2020. godine unaprijedi sistemski, koordinirano i transparentno upravljanje oduzetom imovinom stečenom izvršenjem krivičnog djela.

Agencija je u izvještajnom periodu imala u radu 38 sudskih odluka i to 22 sudske presude u kojima je krivični postupak okončan i četrnaest sudskih rješenja u kojima je krivični postupak još uvijek u toku, te dvije sudske naredbe kojima se privremeno oduzeti predmeti predaju Agenciji na čuvanje i upravljanje.

Vrijednost imovine kojom je Agencija upravljala u periodu juli – decembar 2020. godine iznosi **17.266.341,62** konvertibilnih maraka, a radi se o oduzetim novčanim sredstvima, dionicama, poslovnim udjelima, nekretninama, hotelu, studentskom domu, benzinskoj pumpi, motornim vozilima, raznim mašinama i alatkama i drugo.



Grafikon 2: Vrsta imovine kojom je Agencija upravljala u izvještajnom periodu

Agencija je, u okviru svojih zakonskih ovlasti i obaveza, kao i učinkovitog izvršavanja povjerenih poslova, u sklopu planiranog strateškog cilja i operativnih ciljeva za 2020. godinu realizovala sljedeće aktivnosti:

4.1. OPERATIVNI CILJ 1 – OČUVANJE VRIJEDNOSTI ODUZETE IMOVINE

Nakon što nadležni sud donese rješenje o mjeri osiguranja koja sadrži i mjeru privremenog oduzimanja imovine, staranje o imovini preuzima Agencija.

Agencija nakon preuzimanja, vrši procjenu imovine, te dostavlja povratnu informaciju sudu koji je donio takvo rješenje. Istovremeno, Agencija donosi odluku koji je najbolji način čuvanja i upravljanja privremeno oduzetom imovinom, odnosno koji je najbolji način da se očuva njena vrijednost.

U skladu sa svojim nadležnostima Agencija je u izvještajnom periodu, po zaprimljenim sudskim odlukama, poduzela sljedeće aktivnosti na očuvanju vrijednosti privremeno oduzete imovine:

Upravljanje privrednim društvima

Postupajući po **Rješenju Kantonalnog suda u Sarajevu, broj 09 0 K 026779 16 Kps od 12. 1. 2017. godine**, prema optuženim licima u kojem su izrečene privremene mjere osiguranja imovinske koristi i to zabrana otuđenja i opterećenja osnivačkih udjela - osnivačkih kapitala privrednih društava **UMAX GROUP d.o.o. Sarajevo – benzinska pumpa, Emiran d.o.o. Sarajevo - hotel i Emiran Studentski dom - Univerzitetski hotel d.o.o. Sarajevo – smještaj studenata**, Agencija je, kao i u dosadašnjim izvještajnim periodima, nastavila upravljati privrednim društvima, sve do pravomoćnosti sudskih odluka.

Rješenjem Vrhovnog suda Federacije Bosne i Hercegovine broj 09 0 K 026779 20 Kv 31 od 15. 1. 2020. godine, zaprimljeno dana 17. 1. 2020. godine, izrečeno je produženje mjera osiguranja imovinske koristi i, između ostalog, zabrana otuđenja i opterećenja osnivačkih udjela - osnivačkih kapitala privrednih društava Umax group d.o.o. Sarajevo, Emiran d.o.o. Sarajevo i Emiran studentski dom – Univerzitetski hotel d.o.o. Sarajevo, kojim su produžene mjere osiguranja imovinske koristi do 17. 1. 2021. godine ili do druge odluke Suda.

Zbog proglašenja stanja prirodne nepogode izazvane pandemijom korona virusa u Bosni i Hercegovini u prethodnom izvještajnom periodu, pa samim tim i u Federaciji Bosne i Hercegovine, došlo je do pogoršanja stanja na tržištu i do masovnih otpuštanja radnika. Sektor koji je najviše pogođen novonastalom situacijom bio je sektor hotelijerstva, ugostiteljstva, kao i sektor koji pruža usluge i drugih vrsta smještaja, što se svakako odrazilo i na Emiran d.o.o. Sarajevo, odnosno hotel Walter i na Emiran studentski dom – Univerzitetski hotel d.o.o. Sarajevo.

Radi svega navedenog Agencija je u prethodnom izvještajnom periodu donijela odluku o privremenoj obustavi rada privrednih društava Emiran d.o.o. Sarajevo i Emiran studentski dom – Univerzitetski hotel d.o.o. Sarajevo, a sve na osnovu informacija od strane direktora privrednih društava, a koje se odnose na činjenice da će privredna društva u narednom periodu ostati bez prihoda. Navedena situacija je zahtijevala hitne mjere koje su se odnosile na smanjenje broja uposlenih, smanjenje

troškova i smanjenje trošenja energenata, isključivanje svih energenata koji nisu neophodni za održavanje vrijednosti objekta, kao i druge mjere kao bi se sačuvala vrijednost privrednih društava.

U ovom izvještajnom periodu privredno društvo Emiran d.o.o. Sarajevo je nastavio sa radom, ali i dalje sa istim brojem radnika kakav je bio u prethodnom periodu, gdje je postojeća radna snaga preraspoređena prema obimu posla iz razloga što su prihodi zbog trenutne epidemiološke situacije vrlo mali i nedostatni za nova zapošljavanja.

Uprava za indirektno oporezivanje je takođe izvršila inspekcijski nadzor nad radom privrednog društva Emiran studentski dom – Univerzitetski hotel d.o.o. Sarajevo, te tom prilikom nisu utvrđene nepravilnosti. Zbog pandemije korona virusa i u ovom privrednom društvu su u prethodnom izvještajnom periodu otkazani svi smještaji studenata, a tek krajem ovog izvještajnog perioda Emiran studentski dom – univerzitetski hotel d.o.o. Sarajevo je počeo ostvarivati prihode od smještaja studenata, koji su i dalje nedovoljni da bi se pokrivali troškovi poslovanja privrednog društva i postakla tekuća likvidnost privrednog društva.

I pored pomanjkanja na tržištu koja su uzrokovana pandemijom korona virusa, kao i smanjene potražnje za gorivom, pogotovu u sektoru prevoza, UMAX GROUP d.o.o. Sarajevo – benzinska pumpa je zadržao broj uposlenih i očuvao likvidnost društva.

U svrhu očuvanja vrijednosti privrednih društava povjerenih Agenciji na upravljanje, službenici Agencije su u izvještajnom periodu, kao što je to bio slučaj i do sada, obavljali redovne aktivnosti koje se prvenstveno odnose na analizu dostavljenih mjesečnih izvještaja o radu privrednih društva, sa pokazateljima poslovanja istih. U okviru drugih redovnih aktivnosti službenici Agencije su obavljali i redovne fizičke obilaske privrednih društava, održavali redovne sastanke sa direktorima, te se na taj način detaljnije upoznavali sa radom privrednih društava, eventualnim problemima u poslovanju, kao i budućim planovima sa ciljem da privredna društva posluju pozitivno i u skladu sa zakonskim propisima.

Tako su, poštujući odluke Kriznog štaba Federacije Bosne i Hercegovine, uvedene dodatne mjere zaštite na radu i mjere pojačane higijene objekta privrednih društava, što je u konačnici prepoznala i Sanitarna inspekcija Kantonalne uprave za inspekcijske poslove Kantona Sarajevo koja nije imala primjedbi tokom izvršenih kontrola. Zadatak Agencije prilikom upravljanja privrednim društvima pod privremenom mjerom osiguranja i jeste da ih održi u radu, u smislu da ista posluju u skladu sa zakonskim normama, da obaveze prema povjeriocima i državi budu redovno servisirane, čime se stvaraju ekonomski uslovi za nastavak poslovanja, te da održi vrijednost privremeno povjerene imovine Agenciji na upravljanje, što je u izvještajnom periodu i postignuto u mjeri u kojoj su uslovi na tržištu dozvoljavali.

Zadatak Agencije prilikom upravljanja privrednim društvima pod privremenom mjerom osiguranja i jeste da ih održi u radu, u smislu da ista posluju u skladu sa zakonskim normama, da obaveze prema povjeriocima i državi budu redovno servisirane, čime se stvaraju ekonomski uslovi za nastavak poslovanja, te da održi vrijednost privremeno povjerene imovine Agenciji na upravljanje, što je u izvještajnom periodu i postignuto u mjeri u kojoj su uslovi na tržištu dozvoljavali. Postupajući po

Rješenju Kantonalnog suda u Sarajevu, broj 09 0 K 031067 20 Kpp 21 od 21.12.2020. godine, prema osumnjičenim licima u kojem su izrečene privremene mjere zabrana otuđenja i opterećenja udjela - osnivačkog kapitala, zabrana korištenja i raspolaganja pravima po osnovu udjela - osnivačkog kapitala privrednih društava, Udjela u pravnom licu "Unioninvest izgradnja objekata" d.o.o. Sarajevo, Udjela u pravnom licu "Profin-invest" d.o.o. Sarajevo i Udjela u pravnom licu "KS investment" d.o.o. Sarajevo, Agencija je poduzela sljedeće aktivnosti:

Izvršeno je preuzimanje nezakonito stečene imovine – poslovnih udjela za poslovna društva:

- „KS Investment“ d.o.o. Sarajevo
- Profin Invest“ d.o.o. Sarajevo, u procentima i vrijednosti u skladu sa rješenjem Kantonalnog suda u Sarajevo.

Prilikom postupka preuzimanja, od strane uposlenika Agencije zatražena je na uvid sva poslovna dokumentacija koja je trenutno dostupna za oba poslovna društva „KS Investment“ d.o.o. Sarajevo i „Profin Invest“ d.o.o. Sarajevo.

U skladu sa Rješenjem suda, osnivački kapital „Unioninvest izgradnja objekata“ d.o.o. Sarajevo takođe se povjerava Agenciji na upravljanje i to u procentima i vrijednosti u skladu sa rješenjem Kantonalnog suda u Sarajevo.

Krajem ovog izvještajnog perioda od strane Agencije poslan je pismeni Zahtjev manjinskim vlasnicima privrednog društva „Unioninvest izgradnja objekata“ d.o.o. Sarajevo za primopredaju akata i dokumentacije privrednog društva, u prostorijama privrednog društva, Agenciji kao većinskom vlasniku privrednog društva, gdje se u narednom periodu planira preuzimanje poslovnih udjela u navedenom privrednom društvu od strane službenika Agencije, sve u svrhu kako bi Agencija mogla da u skladu sa Zakonom i principima dobrog privrednika upravlja sa povjerenim poslovnim udjelima.

Upravljanje pokretnim stvarima

Agencija u okviru svoje nadležnosti, između ostalog, upravlja privremeno i trajno oduzetim pokretnim stvarima u skladu sa Zakonom. U tom smislu, u izvještajnom periodu Agencija je postupala po sljedećim rješenjima:

Rješenjem Kantonalnog suda u Sarajevu broj 09 0 K 026779 16 Kps od 12. 1. 2017. godine utvrđena je zabrana otuđenja, skrivanja, opterećenja ili raspolaganja motornim vozilom **BMW X6** vrijednosti 71.701,59 KM i isto je povjereno Agenciji na čuvanje. U izvještajnom periodu u ovom predmetu su poduzete aktivnosti usmjerene ka redovnom održavanju i provjeri ispravnosti motornog vozila

Rješenjem Kantonalnog suda u Bihaću broj 01 0 K 013572 18 Kpp od 23. 4. 2018. godine Agenciji je povjereno na čuvanje i upravljanje putničko motorno vozilo marke **VW tip Polo** vrijednosti 5.150,34 KM. U izvještajnom periodu su poduzete aktivnosti usmjerene ka redovnom održavanju i provjeri ispravnosti motornog vozila.

Rješenjem Kantonalnog suda u Sarajevu broj 09 0 K 031235 18 Kpp 121 od 13. 12. 2018. godine Agenciji je povjereno na čuvanje i upravljanje putničko motorno vozilo marke **Renault tip Scenic** vrijednosti 5.637,38 KM. U izvještajnom periodu u ovom predmetu su poduzete aktivnosti usmjerene ka redovnom održavanju i provjeri

ispravnosti motornog vozila. Rješenjem Kantonalnog suda u Sarajevu produžena je mjera čuvanja vozila na godinu dana od dana donošenja Rješenja ili druge odluke suda.

Naredbom Općinskog suda u Tuzli broj 32 0 K 344443 19 Kpp 5 od 12. 2. 2019. godine Agenciji je povjereno na čuvanje i upravljanje putničko motorno vozilo marke **Audi tip A6** vrijednosti 35.653,36 KM. U izvještajnom periodu u ovom predmetu su poduzete aktivnosti usmjerene ka redovnom održavanju i provjeri ispravnosti motornog vozila.

Rješenjem Općinskog suda u Bihaću, broj 17 0 K 102415 19 Kpp 5 od 18. 11. 2019. godine Agenciji je povjereno na čuvanje i upravljanje putničko motorno vozilo marke **PORSCHE** vrijednosti 62.827,36 KM. U izvještajnom periodu u ovom predmetu je na osnovu Rješenja Općinskog suda u Bihaću izvršen povrat gore navedenog vozila. O izvršenom povratu sačinjen Zapisnik o primopredaji – povratu oduzete imovine/putničko motorno vozilo, o čemu je obaviješten Općinski sud u Bihaću.

Rješenjem Kantonalnog suda u Tuzli, broj 03 0 K 0019918 20 Kps od 13. 1. 2020. godine Agenciji je povjereno na čuvanje putničko motorno vozilo marke „**KIA**“ vrijednosti 20.117,14 KM. Provedene su i aktivnosti usmjerene ka redovnom održavanju, kao i provjera ispravnosti motornog vozila.

U izvještajnom periodu Agenciji su na čuvanje povjerena sljedeća motorna vozila:

Rješenjem Kantonalnog suda u Bihaću, broj 01 0 K 015030 20 Kpp 32 od 30.06.2020. godine Agenciji je povjereno na čuvanje i upravljanje putničko motorno vozilo marke **MERCEDES BENZ** vrijednosti 6.368,01 KM.

Osim ovog rješenja, Kantonalni suda u Bihaću je dostavio Agenciji još jedno Rješenje broj: 01 0 K 015030 20 Kpp 34 od 20.07.2020. godine kojim je Agenciji povjereno na čuvanje i upravljanje putničko motorno vozilo marke **MERCEDES BENZ**, tip X, crne boje, broj šasije: WDC2533091F436497, registarskih oznaka T04-E-606. Predmetno putničko motorno vozilo nije preuzeto na čuvanje i upravljanje od strane Agencije nego da je prodato od strane vlasnika, o čemu je sačinjen Zapisnik i obaviješten Kantonalni sud u Bihaću koji je donio predmetno Rješenje.

Rješenjem Općinskog suda u Živinicama, broj: 33 0 K 081816 20 Kps od 10.08.2020. godine Agenciji su povjerena na čuvanje i upravljanje četiri putnička motorna vozila. **MERCEDES BENZ**, tip 460.2, sive boje, broj šasije: WDB46023817051503, registarskih oznaka E87-A-347, 1987. godište, sa pratećom dokumentacijom i opremom, **BMW**, tip X70, model X6 35D, crne boje, 2009. godište, broj šasije WBAFGO10X0I330485, registarskih oznaka M74-0-989, sa pratećom dokumentacijom i opremom, **HUMMER H2**, tip H2, model MPV, crne boje, 2003. godište, broj šasije: 5GRGN23U73H113197, registarskih oznaka J23-T-295, sa pratećom dokumentacijom i opremom i **AUDI Q7**, tip 4L, model Q7, 2007. godište crne boje, broj šasije: WAUZZZ4L77DO98322, registarskih oznaka E42-A-187, sa pratećom dokumentacijom i opremom

Predmetna motorna vozila su preuzeta, te nakon obavljenog tehničkog i vizuelnog pregleda od strane ovlaštenog servisa BIHAMK-a uskladištena u skladišnom prostoru Agencije.

Nakon skladištenja, izvršena je procjena vrijednosti putničkih motornih vozila od strane ovlaštenog sudskog vještaka na iznos od:

1. **MERCEDES BENZ, tip 460.2** vrijednosti 13.818,14 KM;
2. **BMW, tip X70** vrijednosti 31.807,03 KM;
3. **HUMMER H2, tip H2** vrijednosti 41.489,89 KM;
4. **AUDI Q7, tip 4L** vrijednosti 22.357,22 KM (ukupna vrijednost vozila iznosi 109.472,28 KM)

Nakon skladištenja i procjene izvršeno je i osiguranje vozila kod osiguravajućeg društva Triglav osiguranje d.d.

Rješenjem Kantonalnog suda u Zenici, broj 04 0 K 009398 20 Kpp 32 od 21.09.2020. godine Agenciji je povjereno na čuvanje i upravljanje putničko motorno vozilo marke **VOLKSWAGEN GOLF**, tip 1K, crne boje, broj šasije: WVVZZZ1KZAW400290, registarskih oznaka A62-K-918, vlasništvo Zubač Džafera. Dana 12.10.2020. godine od strane službenika Sektora izvršeno je preuzimanje motornog vozila, a uz vozilo su preuzeti i potvrda o registarciji broj: AA 2825007, potvrda o vlasništvu vozila broj: BA1645485, i pripadajući ključ od vozila. Mjera osiguranja na snazi je do naredne odluke suda. Nakon preuzimanja, isto je natovareno na vozilo za šlepanje vozila BIHAMK, te nakon obavljenog tehničkog i vizuelnog pregleda od strane ovlaštenog servisa BIHAMK-a uskladišteno u skladište FMUP-a u Rakovici Sarajevo, koje je dato na korištenje Agenciji.

Dana 19.10.2020. godine, izvršena je procjena vrijednosti putničkog motornog vozila od strane ovlaštenog sudskog vještaka na iznos od 11.450,71 KM, te je izvršeno i osiguranje vozila kod osiguravajućeg društva Triglav osiguranje d.d.

Kada su u pitanju **skladišni kapaciteti Agencije**, u izvještajnom periodu uposlenici Agencije su nakon izvršene analize dostupnih skladišnih kapaciteta za smještaj privremeno i trajno oduzete imovine sa naročitim naglaskom za smještaj privremeno i trajno oduzetih motornih vozila koja su povjerena Agenciji na čuvanje i upravljanje, sačinili prijedlog skladišnih kapaciteta koja bi Agencija u skladu sa svojim finansijskim mogućnostima mogla koristiti kao skladište.

Na osnovu Odluke Vlade Federacije Bosne i Hercegovine V. broj: 1434/2020 od 22.10.2020. godine Agencija je sklopila Ugovor o zakupu zatvorenog skladišnog prostora u krugu Tehničko remontnog zavoda Hadžići d.d. u Hadžićima za potrebe skladištenja pokretne imovine kojom upravlja Federalna agencija za upravljanje oduzetom imovinom, ukupne površine 200 m².

Problem čuvanja privremeno oduzetih motornih vozila koja zbog nekorištenje gube na svojoj vrijednosti, Agencija će pokušati riješiti izmjenama i dopunama Zakona o oduzimanju nezakonito stečene imovine krivičnim djelom Federacije Bosne i Hercegovine.

Naime, dosadašnja praksa je pokazala da motorna vozila bez obzira da li se koristila ili bila samo uskladištena, će kroz određeni period izgubiti na svojoj vrijednosti. U tom smislu, a uzimajući u obzir mogućnost povrata vlasnicima oduzete imovine, ekonomičnija je opcija mogućnost prodaje tog motornog vozila i čuvanje tako dobijenih novčanih sredstava na posebnom računu Agencije do okončanja krivičnog postupka, nego da predmetno vozilo bude samo uskladišteno, naročito uzimajući u obzir dužinu trajanja krivičnog postupka. U tom smislu, ukoliko sud odluči da se predmetno vozilo vraća vlasniku, vratit će mu se dobijeni iznos od prodaje.

U slučaju da se vozilo ne proda, sasvim je sigurno da će vlasnik tražiti odštetu u novcu zbog umanjena vrijednosti njegovog vozila kroz period u kojem je bilo oduzeto, te samim time se dodatno opterećuje Budžet Federacije Bosne i Hercegovine.

Kako je Agencija u izvještajnom periodu započela aktivnosti oko izrade Prednacrtu Zakona o izmjenama i dopunama Zakona o oduzimanju nezakonito stečene imovine krivičnim djelom Federacije Bosne i Hercegovine, jedna od izmjena će se odnositi i na Modalitete upravljanja privremeno oduzetom imovinom (mogućnost prodaje, najma i davanja na korištenje privremeno oduzete imovine) prvenstveno motornih vozila, čime bi smo onemogućili propadanje takve imovine, odnosno gubljenje vrijednosti iste.

Upravljanje nepokretnim stvarima

Agencija je i u ovom izvještajnom periodu upravljala dvjema nekretninama koje je nastavila izdavati zatečenim zakupcima. Sve zakupnine se na mjesečnom nivou uplaćuju na račun za posebne namjene Agencije, te tu ostaju deponovane do pravosnažne presude, čime se sprječava nastanak eventualnih šteta.

Agencija je u izvještajnom periodu postupala po sljedećim rješenjima:

Rješenjem Kantonalnog suda u Sarajevu, broj 09 0 K 026508 17 Kpp 182 od 24. 4. 2017. godine, prema optuženim licima određene su privremene mjere osiguranja imovinske koristi pribavljene krivičnim djelom i to zabrana otuđenja i opterećenja nekretnine i stvarnih prava upisanih na nekretnini koja se vodi u zemljišnim knjigama Općinskog suda u Sarajevu. Ista nekretnina je navednim rješenjem oduzeta i povjerena na čuvanje i upravljanje Agenciji.

Riječ je o poslovnom prostoru koji je u trenutku oduzimanja bio pod zakupom. S obzirom na navedeno, Agencija je sa istim zakupcem (pravno lice Amoniq d.o.o.) zaključila ugovor o zakupu nekretnine. Zakupnina iz predmetnog zakupodavnog odnosa koja na mjesečnom nivou iznosi 2.955,83 KM se redovno uplaćuje na račun za posebne namjene kojim raspolaže Agencija.

U ovom izvještajnom periodu zakupac je uredno izmirivao svoje dospjele obaveze i to kroz redovno plaćanje zakupnine, te režijskih troškova, o čemu uredno obavještava Agenciju. Također, službenici Agencije vrše redovnu kontrolu i obilazak predmetne nekretnine.

Rješenjem Kantonalnog suda u Sarajevu, broj 09 0 K 021547 17 Kv 34 od 14. 7. 2017. godine, prema optuženim licima određena je privremena mjera osiguranja imovinske koristi stečene krivičnim djelom i to u obliku oduzimanja nekretnine od optužene osobe i povjeravanja iste na upravljanje Agenciji. Riječ je o luksuznom stambenom objektu u Sarajevu, koji je u trenutku oduzimanja bio pod zakupom. S obzirom na navedeno, Agencija je sa istim zakupcem (Ambasada Kraljevine Švedske u BiH) zaključila ugovor o zakupu predmetne nekretnine. Zakupnina iz predmetnog zakupodavnog odnosa koja na mjesečnom nivou iznosi 11.000,00 KM se redovno uplaćuje na račun za posebne namjene kojim raspolaže Agencija.

Također, zakupac redovno izmiruje troškove komunalnih usluga o čemu pismeno obavještava Agenciju, dok službenici Agencije u dogovoru sa zakupcem, vrše periodični obilazak i kontrolu objekta.

U ovom izvještajnom periodu, specijalizirane institucije su nastavile sa poslovima održavanja i osiguranja objekata, kako bi se oštećenja ili umanjena vrijednosti nekretnina svela na minimum. Navedeno postupanje Agencije je u skladu s načelom očuvanja vrijednosti povjerene joj imovine.

Privremeno oduzeti novac

U svrhu osiguranja imovinske koristi za koju se sumnja da je stečena izvršenjem krivičnog djela, jedna od privremenih mjera je i oduzimanje gotovog novca i njegova predaja Agenciji, čime je eventualno potraživanje Federacije Bosne i Hercegovine efikasno osigurano na način da optuženo lice ne može raspolagati predmetnim novcem, odnosno ne može izbjeći eventualnu finansijsku obavezu prema Federaciji Bosne i Hercegovine.

Agencija nakon privremenog preuzimanja gotovog novca isti uplaćuje na račun za posebne namjene, te isti novac, dok se ne donese pravosnažna presuda, mora ostati deponovan na predmetnom računu sve do izricanja pravosnažne presude kada se taj isti novac uplaćuje u Budžet Federacije Bosne i Hercegovine.

Na posebnom računu, pored novca koji je Agencija zaprimila u prethodnim periodima u iznosima od 108.810,00 EUR-a i 4.800,00 KM, se nalazi i novac koji je Agencija u ovom izvještajnom periodu preuzela na osnovu još jedne sudske odluke i to:

Rješenje Kantonalnog suda u Bihaću broj 01 0 K 015030 20 Kpp 32 od 30.06.2020. godine, kojim su prema osumnjičenim licima određene privremene mjere osiguranja imovinske koristi - nalog bankama:

- UniCredit d.d. banci Mostar da izvrši prenos sredstava na račun za posebne namjene Agencije u iznosu od 957.238,04 KM i 11.869,74 EUR;
- Sberbanci d.d. Sarajevo da izvrši prenos sredstava na račun za posebne namjene Agencije u iznosu od 27.445,23 KM;
- Bosna Bank International d.d. Sarajevo da izvrši prenos sredstava na račun za posebne namjene Agencije u iznosu od 5.740,09 KM;
- Adikko Banci AD Banja Luka da izvrši prenos sredstava na račun za posebne namjene Agencije u iznosu od 1.941,28 KM;
- MF Banci AD Banja Luka da izvrši prenos sredstava na račun za posebne namjene Agencije u iznosu od 62.654,61 KM.

Osim navedenog, rješenjem suda oduzet je i gotov novac u iznosu od 8.860,00 KM, koji je istog dana uplaćen na račun za posebne namjene Agencije, što ukupno iznosi 1.122.891,81 KM.

Nakon povjeravanja gotovog novca Agenciji na čuvanje i upravljanje, isti je, kako navedeno, uplaćen na račun za posebne namjene, gdje će ostati do konačne odluke suda u ovim predmetima, te su o svim radnjama sačinjeni odgovarajući zapisnici.

Privremeno oduzeti predmeti povjereni na čuvanje

U prethodnom izvještajnom periodu smo izvjestili da su službenici Agencije preuzimanjem dužnosti novog v. d. direktora Agencije, započeli nove aktivnosti, koje se do tada nisu primjenjivale, a koje su se odnosile na preuzimanje privremeno oduzetih predmeta koji se povjeravaju Agenciji na čuvanje do uvođenja u dokazni postupak ili do druge odluke suda.

U tom kontekstu, u skladu sa **Naredbom Kantonalnog suda u Sarajevu broj 09 0 K 031067 19 Kpp 9 od 20. 12. 2019. godine**, privremeno oduzeti predmeti koji su se nalazili u Kantonalnom tužilaštvu Kantona Sarajevo povjereni su na čuvanje Agenciji do uvođenja u dokazni postupak ili druge odluke suda. S obzirom na navedeno, Agencija je iste zapisnički preuzela i u skladu s Odlukom Centralne banke BiH o ustupanju zatvorene ostave, deponovala ih u prostorije Centralne banke BiH u zatvorenu ostavu o čemu je sačinjen i Zapisnik i Potvrda o obavljenoj predaji u ostavu (novac u iznosu od 530.050,00 EUR-a i nakit). O poduzetim radnjama pismeno je obaviješten Kantonalni sud u Sarajevu koji je donio Naredbu.

U izvještajnom periodu, a na osnovu Rješenja Kantonalnog suda u Sarajevu broj 09 0 K 031067 19 Kpp 9 od 20.08.2020. godine kojim se vraćaju predmeti oduzeti prema potvrdi o privremenom oduzimanju predmeta izvršen je povrat gore navedenih novčanih sredstava od strane službenika Agencije o čemu je sačinjen Zapisnik o povratu privremeno oduzetih predmeta, o čemu je obaviješten Kantonalni sud u Sarajevu.

Kako je Agencija zaprimila obavještenje upućeno od strane Centralne banke Bosne i Hercegovine o nemogućnosti daljeg pohranjivanja predmeta u ostavama u Centralnoj banci Bosne i Hercegovine sa 31.12.2020. godine, službenici Agencije su izvršili izuzimanje ranije pohranjenih predmeta, te njihovo deponovanje u sef Union Banka d.d. Sarajevo. Prilikom preuzimanja i deponovanja predmeta, isti nisu otvarani nego su u stanju u kojem su i zaprimljeni, deponovani u sef Union Banka d.d. Sarajevo.


Naredbom Kantonalnog suda u Bihaću broj 01 0 K 015615 20 Kpp 9 od 13. 02. 2020. godine, privremeno oduzeti novac u iznosu od 99.740,00 KM, koji se nalazi u prostorijama MUP-a USK-a Prva policijska uprava - Policijska stanica Bihać, povjerava se na čuvanje Federalnoj agenciji za upravljanje oduzetom imovinom. S obzirom na navedeno, službenici Agencije su u prethodnom izvještajnom periodu zapisnički, preuzeli gotov novac od predstavnika MUP-a USK Prva policijska uprava, Policijska stanica Bihać i isti, u skladu s Odlukom Centralne banke BiH o ustupanju zatvorene ostave, deponovala u prostorije Centralne banke BiH u zatvorenu ostavu o čemu je sačinjen zapisnik. O poduzetim radnjama pismeno je obaviješten Kantonalni sud u Bihaću koji je i donio Naredbu.

Kako je Agencija zaprimila obavještenje od Centralne banke Bosne i Hercegovine o nemogućnosti daljeg pohranjivanja ostava u Centralnoj banci Bosne i Hercegovine, a da prethodno zaprimljene zatvorene ostave Agencije mogu ostati pohranjene u trezoru najdalje do 31. 12. 2020. godine, službenici Agencije su izvršili izuzimanje ranije pohranjenih predmeta, te njihovo deponovanje u sef Union Banka d.d. Sarajevo. Prilikom preuzimanja i deponovanja predmeta, isti nisu otvarani nego su u stanju u kojem su i zaprimljeni, deponovani u sef Union Banka d.d. Sarajevo.

Vrsta i vrijednost imovine

Prilikom preuzimanja privremeno oduzete imovine i privremeno oduzetih predmeta sačinjava se zapisnik u koji se, između ostalog, unose podaci o imovini i stanju u kojem je preuzeta, kao i podaci o vrijednosti koja se oduzima.

U izvještajnom periodu, Agencija je imala u radu 16 predmeta, koji su obuhvatali šest poslovnih udjela, 12 motornih vozila, dvije nekretnine i u pet slučajeva novac, pa tako procentualno vrsta imovine izgleda sljedeće:



Grafikon 3: Vrsta privremeno oduzete imovinske koristi i predmeta u izvještajnom periodu

U slijedećoj tabeli je prikazana vrsta privremeno oduzete imovine sa vrijednošću iste u izvještajnom periodu.

POSLOVNI UDJELI	
NAZIV	VRIJEDNOST
Udjel u pravnom licu Emiran d.o.o. Sarajevo - hotel	3.299.696,00 KM
Udjel u pravnom licu Emiran Studentski dom - Univerzitetski hotel d.o.o. Sarajevo – smještaj studenata	2.000,00 KM
Udjel u pravnom licu UMAX GROUP d.o.o. Sarajevo – benzinska pumpa	2.870.167,08 KM
Udjel u pravnom licu "Unioninvest izgradnja objekata" d.o.o. Sarajevo	2.295.650,00 KM
Udjel u pravnom licu "Profin-invest" d.o.o. Sarajevo	2.000,00 KM
Udjela u pravnom licu "KS investment"	2.000,00 KM
UKUPNO:	8.471.513,08 KM

MOTORNA VOZILA	
NAZIV	VRIJEDNOST
BMW X6	71.701,59 KM
VW tip Polo	5.150,34 KM
Renault tip Scenic	5.637,38 KM
Audi tip A6	35.653,36 KM
PORCHE	62.827,36 KM
KIA	20.117,14 KM
MERCEDES BENZ C200 CDI	16.368,01 KM
MERCEDES BENZ	13.818,14 KM
BMW	31.807,03 KM
HUMMER H2	41.489,89 KM
AUDI Q7	22.357,22 KM
VOLKSWAGEN GOLF	11.450,71 KM
UKUPNO:	338.378,17 KM

Kako smo već u tekstualnom dijelu napisali motorno vozilo marke Porche je u izvještajnom periodu vraćeno, tako da Agencija trenutno na čuvanju ima jedanaest motornih vozila.

NEKRETNINE	
NAZIV	VRIJEDNOST
Ambasada Kraljevine Švedske	1.820.950,00 KM
„Amoniq“ d.d. Zenica	1.689.279,00 KM
UKUPNO:	3.510.229,00 KM

NOVAC	
NAZIV	VRIJEDNOST
Gotov novac	1.324.137,66 KM
Novac kao dokazni materijal	1.135.987,75 KM
UKUPNO:	2.460.125,41 KM

Novac kojim Agencija privremeno upravlja nalazi se na računu posebnih namjena Agencije, dok se novac kao dokazni materijal čuva u Union banci d.d. Sarajevo.


Na osnovu prethodno navedenog utvrđeno je da je ukupna vrijednost navedene imovine kojom je Agencija upravljala u izvještajnom periodu iznosi **14.780.245,66 KM**.

Osim gotovog novca koji je privremeno oduzet i povjeren Agenciji na upravljanje, Agencija upravlja i novcem stečenim zakupninama od nekretnina, a koje se izdaju pod zakup, te taj iznos na dan 31.12.2020. godine iznosi **581.056,52 KM**.

Pregled visine zakupnina za nekretnine koje su privremeno oduzete i povjerene Agenciji na upravljanje u izvještajnom periodu:

NEKRETNINA	MJESEČNI IZNOS ZAKUPNINE	IZNOS ZAKUPNINE ZA PERIOD OD 1. 7 - 31. 12. 2020. godine
Ambasada Kraljevine Švedske	11.000,00 KM	66.000,00 KM
„Amoniq“ d.d. Zenica	2.955,83 KM	17.734,98 KM
UKUPNO	13.955,83 KM	83.734,98 KM

U trenutku kada se krivični postupci okončaju na način da imovina stečena krivičnim djelom bude trajno oduzeta, sva novčana sredstva koja se nalaze na računu za posebne namjene bit će uplaćena u Budžet Federacije Bosne i Hercegovine, a u skladu s Pravilnikom o izmjenama i dopuni Pravilnika o načinu uplate javnih prihoda budžeta i vanbudžetskih fondova na teritoriji Federacije BiH („Službene novine Federacije BiH“, broj 9/17).




Grafikon 4: Vrijednost privremeno oduzete imovinske koristi i predmeta kojima je Agencija upravljala u izvještajnom periodu

4.2. OPERATIVNI CILJ 2 – UČINKOVITO POSTUPANJE TRAJNO ODUZETOM IMOVINOM

Nakon što nadležni sud donese presudu o trajnom oduzimanju imovine pribavljene krivičnim djelom, te nakon što se sudska presuda o trajnom oduzimanju imovine izvrši bilo dobrovoljno ili putem prisilnog izvršenja, staranje o imovini preuzima Agencija, kojoj stoje na raspolaganju različite opcije postupanja u ovoj fazi postupka za oduzimanje imovinske koristi.

Nakon preuzimanja, Agencija je dužna izvršiti procjenu imovine, te provesti postupak prodaje imovine metodom javnog nadmetanja, a sredstva ostvarena prodajom uplaćuju se u Budžet Federacije Bosne i Hercegovine.

Ukoliko se imovina ne proda nakon drugog kruga javnog nadmetanja u roku od jedne godine, Zakon je ovlastio Agenciju da shodno procjeni predloži Vladi Federacije Bosne i Hercegovine dalje postupanje oduzetom imovinom. Na taj način, imovinu je moguće pokloniti institucijama koje se primarno finansiraju iz Budžeta Federacije Bosne i Hercegovine, pokloniti u humanitarne svrhe, iznajmiti, ustupiti na čuvanje i korištenje ili uništiti.



Grafikon 5: Vrsta trajno oduzete imovinske koristi u izvještajnom periodu

Presude prosljeđene na postupanje Federalnom pravobranilaštvu

U prethodnim godinama smo u više navrata izvještavali o presudama koje je Agencija zaprimila, a po kojima je za postupanje nadležno Federalno pravobranilaštvo. Naime, u tim predmetima, sudovi su pravosnažnim presudama utvrdili postojanje nezakonito stečene imovinske koristi koja nije određena u svom krajnjem obliku npr. kao nekretnina, novac, motorno vozilo i sl., te se kao takva ne može fizički oduzeti.

Navedenim presudama utvrđen je iznos oduzete imovinske koristi u novcu, koji osuđena lica imaju u obavezi da dobrovoljno u ostavljenom roku uplate u Budžet Federacije Bosne i Hercegovine, pod prijetnjom da ukoliko dobrovoljno ne ispune utvrđenu obavezu, da će se iznos oduzete imovinske koristi oduzeti prinudnim putem u izvršnom postupku i to na imovini osuđenih lica. S obzirom da je članom 24. Zakona o oduzimanju nezakonito stečene imovine krivičnim djelom F BiH, utvrđeno da Federalno pravobranilaštvo prijedlogom pokreće izvršni postupak u ovim slučajevima, Agencija sve presude ove vrste prosljeđuje Federalnom pravobranilaštvu na nadležno postupanje.

S tim u vezi, do kraja ovog izvještajnog perioda, od strane Federalnog pravobranilaštva nismo dobili bilo kakvu obavijest o statusu ovih predmeta. Radi se o sljedećim predmetima:

- **Presuda Općinskog suda u Bihaću broj 17 0 K 000203 08 K od 26. 3. 2014. godine**, kojom je utvrđeno da se od osuđenog lica ima oduzeti nezakonito stečena imovinska korist u iznosu 876.543,36 KM;
- **Presuda Općinskog suda u Tešnju broj 39 0 K 044573 16 K od 9. 2. 2017. godine**, kojom je utvrđeno da se od osuđenog lica ima oduzeti nezakonito stečena imovinska korist u iznosu 19.886,00 KM;
- **Presuda Općinskog suda u Tešnju broj 39 0 K 036138 14 K od 23. 10. 2015. godinu**, kojom je utvrđeno da se od osuđenog fizičkog lica ima oduzeti nezakonito stečena imovinska korist u iznosu 32.301,74 KM;
- **Presuda Općinskog sud u Tuzli broj 32 0 K 319527 18 K od 5. 2. 2018. godine**, kojom je utvrđeno da se od osuđenog lica ima oduzeti nezakonito stečena imovinska korist u iznosu 409,00 KM;
- **Presuda Općinskog suda u Tešnju broj 39 0 K 047956 17 K od 16. 1. 2018. godine**, kojom je utvrđeno da se od osuđenog lica ima oduzeti nezakonito stečena imovinska korist u iznosu 130,00 KM;
- **Presuda Kantonalnog suda u Sarajevu broj 09 0 K 031736 18 K od 29. 8. 2018. godine**, kojom je utvrđeno da se od osuđenog fizičkog lica ima oduzeti nezakonito stečena imovinska korist u iznosu 74.000,00 KM;
- **Presuda Kantonalnog suda u Novom Travniku broj 06 0 K 006818 15 K od 9. 2. 2016. godine**, kojom je utvrđeno da se od osuđenog fizičkog lica ima oduzeti nezakonito stečena imovinska korist u iznosu 136.380,17 KM;
- **Presuda Kantonalnog suda u Novom Travniku broj 06 0 K 010507 18 K od 1. 10. 2018. godine**, kojom je utvrđeno da se od osuđenih lica ima oduzeti nezakonito stečena imovinska korist u iznosu 700,00 KM;
- **Presuda Općinski sud Tuzla broj 32 0 K 186435 16 K 2 od 2. 9. 2016. godine**, kojom je utvrđeno da se od osuđenog lica ima oduzeti nezakonito stečena imovinska korist u iznosu 39.920,96 KM;
- **Presuda Općinskog suda u Gračanici broj 27 0 K 040830 18 K od 6. 5. 2019. godine**, kojom je utvrđeno da se od osuđenih fizičkih lica ima oduzeti nezakonito stečena imovinska korist u ukupnom iznosu od 94.080,00 KM;
- **Presuda Općinskog suda u Bihaću, broj 01 0 K 012488 18K od 28. 5. 2018. godine**, kojom je utvrđeno da se od osuđenog lica ima oduzeti nezakonito stečena imovinska korist u iznosu od 80,00 KM;
- **Presuda Općinskog suda u Kiseljaku broj 49 0 K 043091 18 K od 20. 3. 2019. godine**, kojom je utvrđeno da se od osuđenog lica ima oduzeti nezakonito stečena imovinska korist u iznosu od 6.962,00 KM;
- **Presuda Općinskog suda u Bihaću broj 17 0 K 088165 18 K od 25. 6. 2019. godine**, kojom je utvrđeno da se od osuđenog lica ima oduzeti nezakonito stečena imovinska korist u iznosu od 15.183,33 KM.

U ovom izvještajnom periodu, Agencija je zaprimila još dvije presude po kojima je za postupanje nadležno Federalno pravobranilaštvo, i to:

Presuda Općinskog suda u Tešnju broj: 39 0 K 055232 19 K od 21.11.2019. godine, kojom je utvrđeno da se od osuđenog fizičkog lica ima oduzeti nezakonito stečena imovinska korist u iznosu 225,00 KM. S obzirom da se radi o presudi prema kojoj Federalno pravobranilaštvo treba da pokrene prijedlog za izvršenje radi

oduzimanja imovinske koristi pribavljene krivičnim djelom prema nadležnom sudu, službenici Agencije su istu proslijedili Federalnom pravobranilaštvu na nadležno postupanje.

Presuda Kantonalnog suda u Tuzli broj: 03 0 K 014378 16 K od 16.01.2018. godine, kojom je utvrđeno da se od osuđenih fizičkih lica ima oduzeti nezakonito stečena imovinska korist u iznosima 652.861,38 KM i 5.717,37 KM. S obzirom da se radi o presudi prema kojoj Federalno pravobranilaštvo treba da pokrene prijedlog za izvršenje radi oduzimanja imovinske koristi pribavljene krivičnim djelom prema nadležnom sudu, službenici Agencije su istu proslijedili Federalnom pravobranilaštvu na nadležno postupanje.

U prethodnim periodima smo uočili dodatni problem, a koji se tiče pokretanja izvršnih postupaka pravomoćnih i izvršnih presuda.

Naime, iako je Zakonom izrčutio propisano da se ovakvo namirenje potraživanja Federacije Bosne i Hercegovine provodi isključivo na prijedlog Federalnog pravobranilaštva, u praksi se dešava da Federalno pravobranilaštvo ne postupa po dostavljenim presudama i iste vraća Agenciji, uz obrazloženje da je za izvršenje u nadležnosti postupajućeg suda, potupno ignorišući odredbe Zakona, čime određeni broj pravosnažnih i izvršnih presuda kojima se oduzima imovinska korist stečena krivičnim djelom ostaje neizvršena, čime se dodatno šteti Budžet Federacije Bosne i Hercegovine.

Shodno navedenom, a kako bi se izbjegle nedoumice oko organa koji treba da pokrene izvršni postupak, Agencija će u radnoj verziji izmjena i dopuna Zakona, a čija izrada je trenutno u toku, jasno i decidno propisati da se izvršenje pravomoćnih i izvršnih presuda kojima je utvrđeno oduzimanje imovinske koristi stečene krivičnim djelom, provodi na prijedlog Agencije, a do okončanja istog Agencija će nastaviti sa aktivnostima pronalaženja najboljeg mogućeg rješenja s Federalnim pravobranilaštvom, a sve u interesu Federacije Bosne i Hercegovine.

Ukupna vrijednost nezakonito stečene imovinske koristi iz presuda koje su dostavljene na postupanje Federalnom pravobranilaštvu, zaključno sa krajem ovog izvještajnog perioda iznosi **1.955.3802,31 KM**.

Novčana sredstva uplaćena u Budžet Federacije Bosne i Hercegovine

U izvještajnom periodu Agencija je zaprimila sljedeće presude po kojima su trajno oduzeta novčana sredstva:

Presuda Općinskog suda u Tuzli broj 32 0 K 307743 17 K od 18.10.2017. godine

Predmetnom presudom Općinskog suda u Tuzli utvrđeno je da se od osuđenog fizičkog lica ima oduzeti nezakonito stečena imovinska korist u iznosu od 660,00 KM. Dana 22.07.2020. godine, na osnovu gore navedene Presude, službenici Agencije izvršili su preuzimanje nezakonito stečene imovine – gotov novac u navedenom iznosu u prostorijama Općinskog suda u Tuzli. Po preuzimanju novčanih sredstava ista su uplaćena na račun za posebne namjene Agencije nakon čega su ista uplaćena u Budžet Federacije Bosne i Hercegovine. O svemu je sačinjen Zapisnik o

primopredaji oduzete imovine/gotovog novca, o čemu je obaviješten Općinski sud u Tuzli.

Presuda Kantonalnog suda u Sarajevu broj 09 0 K 035651 20 K od 17.09.2020. godine

Predmetnom presudom Kantonalnog suda u Sarajevu utvrđeno je da se od osuđenih fizičkih lica ima oduzeti nezakonito stečena imovinska korist u iznosu od 528.431,94 KM. Obzirom da je gore navedeni iznos, od strane ANS DRIVE d.o.o, dana 08.08.2020.godine uplaćen na račun za posebne namjene Agencije u svrhu čuvanja istog do konačne pravosnažne presude suda, isti je 06.11.2020. godine uplaćen u budžet Federacije Bosne i Hercegovine.

U toku ovog izvještajnog perioda na osnovu nezakonito stečene imovinske koristi, a na osnovu gore navedenih presuda, Agencija je u **Budžet Federacije Bosne i Hercegovine** uplatila iznos od **529.091,94 KM**.

Ostale pravosnažne presude

U dosadašnjem radu Agencija je zaprimila pet pravosnažnih sudskih presuda kojima je određeno oduzimanje nezakonito stečene imovine, međutim, iz objektivnih razloga, ukupna novčana protuvrijednost te imovine nije uplaćena u Budžet Federacije Bosne i Hercegovine. Predmetne presude, kao i razlozi navedenog predstavljeni su kako slijedi:

Presudom Kantonalnog suda u Tuzli broj 03 0 K 011879 14 K od 19. 12. 2014. godine utvrđeno je da se od osuđenih lica oduzima nezakonito stečena imovina i to pokretne stvari različite vrste, te građevinski materijal. Jedan dio građevinskog materijala je u prethodnim godinama poklonjen, jedan dio prodan putem javnih prodaja. Dio stvari koje nisu poklonjenje, a ni prodane, nalazile se i dalje u skladištu Agencije.

Presudom Općinskog suda u Kaknju broj 36 0 K 035746 17 Kps od 25. 9. 2017. godine utvrđeno je da se od osuđenih lica trajno oduzimaju pokretne stvari različite vrste. U skladu sa zakonom utvrđenom procedurom, Agencija je izvršila procjenu istih, te raspisala javne prodaje, međutim za iste nije bilo zainteresovanih kupaca. Nakon toga, jedan dio pokretnih stvari je poklonjen, dok se preostale stvari i dalje nalaze u skladištu Agencije.


Presudom Općinskog suda u Cazinu broj 20 0 K 061909 19 K od 26. 9. 2019. godine utvrđeno je da se od osuđenog lica trajno oduzima pokretna stvar, motorna pila marke Stihl 026. Nakon što smo informisani od MUP-a USK-a da je oduzeta pokretna stvar vraćena i da se ista ne nalazi kod njih u skladištu, Agencija je uputila obavijest Općinskom sudu u Cazinu o postupanju po navedenoj presudi. Do kraja izvještajnog perioda nismo dobili nikakvu obavijest od Općinskog suda u Cazinu o daljnjem postupanju.

Presudom Kantonalnog suda u Sarajevu broj 09 0 K 021547 16 K 2 od 12. 12. 2016. godine utvrđeno je da se od osuđenog lica trajno oduzimaju dionice koje su postale vlasništvo Federacije Bosne i Hercegovine. U Registru vrijednosnih papira Federacije Bosne i Hercegovine izvršena je promjena upisa titulara prava vlasništva nad predmetnim dionicama s osuđenog lica na Federaciju Bosne i Hercegovine, a

nakon toga s Federacije Bosne i Hercegovine na Agenciju, a sve u cilju prodaje predmetnih dionica. Međutim, kako je riječ o malom broju dionica niske nominalne vrijednost, iste još uvijek nisu prodane.

Presudom Općinskog suda u Zenici broj 43 0 K 135584 16 K 7 od 22. 12. 2016. godine utvrđeno je da se od osuđenog lica ima oduzeti nezakonito stečena imovinska korist u obliku gotovog novca u stranoj valuti – ukrajinske grivnje. Kako je riječ je o tzv. „egzotičnoj“ valuti, nije izvršena konverzija iste, te se predmetna valuta i dalje drži u sefu Agencije.

U ovom izvještajnom periodu Federalna agencija za upravljanje oduzetom imovinom je postupala po sudskim presudama kojima je trajno oduzeta nezakonito stečena imovinska korist u vrijednosti od **2.486.095,96 KM**.



Grafikon 6: Vrijednost trajno oduzete imovinske koristi u izvještajnom periodu

4.3. OPERATIVNI CILJ 3 – PROVOĐENJE ANALIZA U PODRUČJU ODUZIMANJA IMOVINSKE KORISTI PRIBAVLJENE KRIVIČNIM DJELOM

Prema članu 30. Zakona o oduzimanju nezakonito stečene imovine krivičnim djelom, jedna od nadležnosti Agencije je i provođenje analiza u području oduzimanja imovinske koristi pribavljene krivičnim djelom.

U skladu sa članom 31. Zakona, Agencija u provođenju ove nadležnosti obavlja sljedeće poslove:

- prikuplja od nadležnih institucija podatke, statističke izvještaje i druge informacije iz pravomoćno okončanih postupaka za oduzimanje imovinske koristi u skladu sa Zakonom, s ciljem obrade i analize tih podataka i informacija, uočavanja trendova u vršenju krivičnih djela iz kojih se pribavlja imovinska korist;

- vrši analize i procjene rizika s ciljem identifikacije faktora i okolnosti koji pogoduju pribavljanju imovinske koristi iz vršenja krivičnih djela;
- obavještava Vladu Federacije i Parlament Federacije o rezultatima analiza u području provođenja zakona ili drugih propisa o finansijskim istragama i oduzimanju imovinske koristi pribavljene krivičnim djelom.

Kako je prikupljanje podataka o privremeno i trajno oduzetoj imovinskoj koristi, te njihovo javno objavljivanje jedan od zahtjeva Evropske unije (Direktiva Evropskog parlamenta i Vijeća Evrope 2014/42/EU o zamrzavanju i oduzimanju predmeta i imovinske koristi ostvarene krivičnim djelima u Evropskoj uniji od 03.04.2014. godine koja predlaže vođenje centralne statističke evidencije o oduzetoj imovini) Agencija je i u ovom izvještajnom periodu poduzela određene korake prema realizaciji ovog cilja.

Podaci o izvršenju sudskih presuda kojima je izrečena mjera oduzimanja imovinske koristi pribavljene krivičnim djelom predstavljaju jedan od najvažnijih segmenata statističkog prikupljanja i obrade podataka o postupcima za oduzimanje imovinske koristi pribavljene krivičnim djelom, te je u skladu sa navedenim jedan od strateških ciljeva koji je utvrđen na samom početku rada Agencije bio i način na koji će se prikupljati podaci u svrhu provođenja analiza u području oduzimanja imovinske koristi pribavljene krivičnim djelom.

U skladu sa navedenim, Agencija je uputila zahtjeve kantonalnim i općinskim sudovima, te nadležnim tužilaštvima u skladu sa pripadajućim obrascima Smjernica o načinu prikupljanja podataka, statističkih izvještaja i drugih informacija o postupcima za oduzimanje imovinske koristi pribavljene krivičnim djelom, za period od 01.01.2020. godine do 31.12.2020. godine. Obrasci navedenih Smjenica se sastoje od četiri tabele i isti se odnose na:

- a) zbirne podatke o radu suda;
- b) podatke o pojedinačnim postupcima u kojima je određeno oduzimanje imovinske koristi;
- c) podatke o privremeno oduzetoj imovinskoj koristi iz pojedinačnih postupaka, i
- d) podatke o trajno oduzetoj imovinskoj koristi iz pojedinačnih postupaka.

Osim navedenog, zatražili smo od nadležnih sudova da nam dostave podatke koji se odnose na sva rješenja donesena na osnovu prijedloga tužilaštava, kojima su određene privremene mjere osiguranja imovinske koristi u skladu sa članom 17. Zakona, a čija svrha nije povjeravanje takve imovine Agenciji, već samo blokada, odnosno zamrzavanje iste, u skladu sa obrascem broj 3 Smjernica.

Također smo zatražili i da nam se dostave i svi prijedlozi tužilaštava nadležnim sudovima za oduzimanje imovinske koristi pribavljene krivičnim djelom u kojima je predloženo donošenje privremenih mjera osiguranja imovinske koristi u skladu sa članom 17. Zakona, a čija svrha nije povjeravanje takve imovine Agenciji, već samo "blokada", odnosno zamrzavanje iste, sa vrstom i vrijednošću te imovine, kao i podatke o prihvaćenim ili odbijenim prijedlozima tužilaštava upućenim nadležnim sudovima za određivanjem gore navedenih mjera od strane istih.

Ono što je bitno napomenuti jeste da smo takođe od nadležnih pravosudnih institucija zatražili svaki oblik stručnog osvrta, a koji se tiče uočenih prepreka i problema u efikasnom vođenju postupaka za oduzimanje imovinske koristi pribavljene krivičnim djelom, mjera osiguranja i čuvanja oduzete imovine, te izvršenja

pravosnažnih presuda, kako bi analize koje Agencija bude sačinila bile što više zasnovane na objektivnim i provjerenim pokazateljima iz prakse.

Prikupljene podatke ćemo objediniti i prikazati u narednom izvještajnom periodu.

U ovom izvještajnom periodu, Vlada Federacije Bosne i Hercegovine je Zaključkom V. broj: 1264/2020 od 10.09.2020. godine primila na znanje Analizu podataka u kojima je predložena i izrečena mjera oduzimanja imovinske koristi pribavljene krivičnim djelom u Federaciji Bosne i Hercegovine u periodu od 1. 1. 2019. godine do 31. 12. 2019. godine.

Takođe, Predstavnički dom Parlamenta Federacije je Obavješću broj: 01-08-1552/20 od 26.10.2020. godine obavijestio Agenciju da je razmatrao i primo k znanju Informaciju Agencije koja se odnosi na gore navedenu Analizu.

Iako smo u prethodnom izvještajnom periodu uputili Visokom sudskom i tužilačkom vijeću prijedlog zaključka kojim bi Visoko sudsko i tužilačko vijeće dalo saglasnost Agenciji za pristup podacima koji se vode u Modulu za evidentiranje oduzete imovine stečene izvršenjem kaznenog djela u okviru Sustava za automatsko upravljanje predmetima (CMS), uvažavajući odredbe Zakona o zaštiti osobnih podataka i Zakon o zaštiti tajnih podataka, a koji su neophodni za sačinjavanje stručnih analiza u ovoj oblasti, čime bi Agencija u potpunosti implementirala realizaciju jedinstvene metodologije za prikupljanje podataka i drugih informacija potrebnih za provođenje analiza u području oduzimanja imovinske koristi pribavljene krivičnim djelom, u ovom izvještajnom periodu zbog situacije vezane za proglašenje stanja nesreće u Federaciji Bosne i Hercegovine usljed COVID-a 19, ova aktivnost nije okončana.

U okviru ovog operativnog cilja, Agencija je nastavila aktivnosti koje se odnose na implementaciju člana 31. stav (1) tačke j) i k) Zakona, koji se odnosi na izradu prijedloga Strategije za oduzimanje imovinske koristi pribavljene krivičnim djelom u Federaciji Bosne i Hercegovine i Akcionog plana za njeno izvršenje.

Kako do sada prijedlog iste nije bio sačinjen, a kako bi doprinijeli izvršavanju preuzetih međunarodnih obaveza, jedan od glavnih zadataka koji je Agencija planom rada za 2020. godinu predvidjela je i donošenje strategije za oduzimanje imovinske koristi pribavljene krivičnim djelom i akcionog plana za njeno izvršenje, kojim bi se kreirala politika u oblasti oduzimanja i upravljanja imovinom stečenom izvršenjem krivičnog djela.

V.d. direktor Agencije je u prethodnom izvještajnom periodu imenovao Radnu grupu za izradu prijedloga strategije i akcionog plana, koja zbog novonastale situacije vezane za proglašenje stanja nesreće u Federaciji Bosne i Hercegovine usljed COVID-a 19, te zbog rebalansa Budžeta kojim su sredstva predviđena za ovu aktivnost umanjena, do kraja ovog izvještajnog perioda ovu aktivnost nije realizovala.

U cilju unapređenja spremnosti Federacije Bosne i Hercegovine za daljim jačanjem kapaciteta u procesu oduzimanja imovinske koristi i procesu upravljanja oduzetom imovinom, te definisanja pravaca djelovanja u ovoj oblasti na cijelom području Federacije Bosne i Hercegovine, Agencija je Planom rada za 2021. godinu predvidjela određena finansijska sredstva za nastavak izrade Strategije i Akcionog plana.

4.4. OPERATIVNI CILJ 4 – STRUČNA EDUKACIJA IZ PODRUČJA FINANSIJSKIH ISTRAGA I ODUZIMANJA IMOVINSKE KORISTI PRIBAVLJENE KRIVIČNIM DJELOM, UNAPREĐENJE SARADNJE I KOORDINACIJE IZMEĐU AGENCIJE, PRAVOSUDNIH ORGANA, POLICIJSKIH AGENCIJA I DRUGIH INSTITUCIJA KOJE IMAJU OBAVEZU POSTUPATI PO ODREDBAMA ZAKONA, TE USPOSTAVLJANJE I UNAPREĐENJE SARADNJE SA ISTIM ILI SLIČNIM AGENCIJAMA IZ ZEMALJA REGIJE I EVROPSKE UNIJE

Stručno obrazovanje i usavršavanje

Stručno usavršavanje državnih službenika i namještenika, odnosno izgrađivanje i usavršavanje ljudskih kapaciteta i u ovom izvještajnom periodu se odvijalo u skladu s Pravilnikom o stručnom obrazovanju i usavršavanju uposlenih u Agenciji, te Programom i planom stručnog obrazovanja i usavršavanja državnih službenika i namještenika Agencije za 2020. godinu.

Tokom izvještajnog perioda, a na osnovu Programa i plana stručnog obrazovanja i usavršavanja, kao i učestvovanja u programima obuka koje su organizovali predstavnici međunarodnih institucija, uposleni u Agenciji su prisustvovali sljedećim radionicama, seminarima i obukama:

U organizaciji Ureda za međunarodnu suradnju, edukaciju i razvoj državnog tužiteljstva Ministarstvo pravosuđa SAD-a, Ureda za međunarodnu provedbu zakona za suzbijanje trgovanja drogama Ministarstva vanjskih poslova SAD-a i Ministarstva pravosuđa Republike Hrvatske održana je on line edukacija "Jačanje kaznenopravnih institucija i vladavine prava u središnjoj i istočnoj Europi - Transnacionalni organizirani kriminalitet, pranje novca i oduzimanje nezakonito stečene imovine" sa ciljem edukacije regionalnih sudaca, državnih odvjetnika/tužitelja, policijskih službenika, istražitelja u financijskim/poreznim/istragama pranja novca i agenata za oduzimanje imovine s ciljem borbe protiv korupcije u javnom sektoru provođenjem učinkovitih financijskih istraga te zamrzavanjem i oduzimanjem imovine. Održano je ukupno pet radionica na teme "Borba protiv pranja novca", "Učinkovita upotreba oduzimanja imovinske koristi pribavljene kaznenim djelom", "Pranje novca povezano s korupcijom", "Korupcija u javnom sektoru" i "Učinkovito korištenje zamrzavanja i oduzimanja imovine", na kojima su učešće uzeli i predstavnici Agencije.

U izvještajnom periodu Odjel za transnacionalne prijetnje OSCE-a i Ured koordinatora OSCE-ovih ekonomskih i okolišnih aktivnosti organizivali su jednodnevnu nacionalnu radionicu o ponovnoj društvenoj upotrebi oduzete imovine koja je stečena učinjenjem krivičnog djela. Radionica je organizovana u okviru projekta „Jačanje borbe protiv transnacionalnog organiziranog kriminala u jugoistočnoj Evropi kroz unapređenu regionalnu saradnju u oblasti privremenog i trajnog oduzimanja imovine stečene krivičnim djelom i ponovnoj društvenoj upotrebi imovine“. Ova inicijativa ima za cilj jačanje kapaciteta državnih institucija u borbi protiv organiziranog kriminala i korupcije kroz sveobuhvatan pristup, koji uključuje ponovnu društvenu upotrebu imovine koja je oduzeta od kriminalnih grupa. Radionica je pružila priliku za razmatranje domaćeg pravnog okvira i iskustava u ponovnoj upotrebi oduzete imovine u društvu. Stručnjaci iz LIBERE (Italija) i drugih organizacija civilnog društva predstavili su svoja iskustva i savjetovanja o mogućim rješenjima,

dok su predstavnici institucija iz Bosne i Hercegovine ponudili pregled trenutne situacije i suradnje sa organizacijama civilnog društva. Aktivno učešće u ovoj radionici uzeli su i predstavnici Agencije.

U organizaciji BAMIN-a (Balkanske međuagencijske mreže o upravlju oduzetom imovinom) održane su dvije radionice na temu „Upravljanje oduzetom imovinom sa posebnim aspektom na upravljanje oduzetim motornim vozilima“. Učešće u ovoj radionici uzeli su eksperti iz ove oblasti iz zemalja članica BAMIN mreže, te nosioci pravosudnih funkcija koji su imali praktična iskustva na istim ili sličnim predmetima. Cilj radionice je bio da se prezentuju najbolje prakse u ovoj oblasti, te da se na temelju istog unaprijede procesi u svrhu što efikasnijeg upravljanja oduzetim motornim vozilima kao specifičnom vrstom imovine naročito u kontekstu privremenog upravljanja.

U ovom izvještajnom periodu, predstavnici Agencije su učestvovali u realizaciji Zimske škole „Finansijske istrage koruptivnih krivičnih djela“ organizovane iz podrške „Projekta podrške Visokom sudskom i tužilačkom vijeću Bosne i Hercegovine i Tužilaštvu Bosne i Hercegovine“ organizovanoj od strane Fakulteta sa kriminalistiku, kriminologiju i sigurnosne studije. Cilj ove obuke je bio da se steknu neophodna ili unaprijede postojeća teorijska i praktična znanja iz oblasti finansijske istrage koruptivnih krivičnih djela i izgrade sposobnosti njihovog implementiranja prilikom sprječavanja, otkrivanja i istraživanja, te dokazivanja koruptivnih krivičnih djela. Ovaj program je ponudio specifične module posvećene izabranim sadržajima koji bi trebali rezultirati trajnim promjenama u percepciji značaja i primjene finansijske istrage u borbi protiv svih oblika kriminalnih aktivnosti, a posebno korupcije.

Predstavnici Agencije su takođe u izvještajnom periodu prisustvovali na dvije obuke organizovane od strane Direkcije za evropske integracije. Radi se o obukama u vezi sa izradom Porograma integrisanja Bosne i Hercegovine u Evropsku uniju čiji je cilj bio upoznavanje sa početkom i svim fazama izrade Programa integrisanja. Druga obuka je bila na temu „Sukob interesa“, čiji je osnovni cilj bio da se svi učesnici izrade Programa integrisanja upoznaju sa najznačajnijim izazovima, kao i praktičnim rješenjima i savjetima u oblasti sukoba interesa.

Ostale obuke predviđene Programom i planom stručnog obrazovanja i usavršavanja nisu realizovane u ovom izvještajnom periodu zbog proglašenja stanja nesreće u Federaciji Bosne i Hercegovine prouzrokovane COVID-om 19.

Međuagencijska balkanska mreža za povrat imovine (BAMIN)

Predstavnici Agencije su i u ovom izvještajnom periodu nastavili sa aktivnostima u BAMIN mreži, te su tom prilikom predstavnici Agencije prisustvovali Generalnoj skupštini BAMIN-a, te sastanku Upravnog odbora BAMIN-a.

Na Generalnoj skupštini je sudjelovalo šesnaest jurisdikcija koje predstavljaju urede za upravljanje imovinom, kao i urede za povrat imovine, uz tajništvo BAMIN-a i OSCE – a koji su pružili finansijsku podršku za održavanje sastanka i na istoj je predstavljen pregled glavnih aktivnosti provedenih tokom 2020. godine, kao i ažurirane podatke o članstvu u BAMIN-u i predsjedanju BAMIN-om. Mreža sad uključuje 15 nadležnosti, udvostručujući svoj broj od 2017. godine.

Na Generalnoj skupštini je dogovoreno da će Albanija biti domaćin predsjedavanja BAMIN-om za 2021. godinu. Takođe se raspravljalo o pravnim i strukturnim promjenama u sistemima upravljanja imovinom i uspješnim pričama o upravljanju imovinom, te promovisanju učinka društvene ponovne upotrebe imovine.

Sastanak Upravnog odbora održan je u decembru uz sudjelovanje Albanije, Bosne i Hercegovine i Crne Gore. Na Upravnom odboru je potvrđeno predsjedavanje Hrvatske u 2022. godini BAMIN mrežom, te dogovorena upravljačka skupina za 2021. godinu, koju će činiti Albanija, Hrvatska i Crna Gora. Upravljačka skupina također je potvrdila temu Godišnje skupštine BAMIN-a za 2021. godinu koja će se fokusirati na upravljanje zaplijenjenim i oduzetim tvrtkama - što se smatra prioritetom u regiji. Osim toga Upravljačka skupina potvrdila je spremnost za dalje uključivanje Armenije, Gruzije, Grčke i Italije u mrežu, za buduće članstvo u ovim jurisdikcijama.

Napominjemo da je Federalna agencija za upravljanje oduzetom imovinom od 2017. godine član Balkan Asset Management Inter-Agency Network (BAMIN mreže) koja je formirana 2014. godine. BAMIN mreža se sastoji od vladinih agencija zemalja zapadnog Balkana koje su odgovorne za upravljanje i raspolaganje imovinom koja je oduzeta od kriminalaca i ima za cilj unapređenje međuagencijske saradnje u pogledu efikasnog upravljanja oduzetom imovinom stečenom izvršenjem krivičnih djela, njene eventualne prodaje ili povrata, te razmjene informacija o istom. BAMIN podržava urede za upravljanje imovinom i agencije za provođenje zakona u jačanju učinkovite provedbe inicijativa za razmjenu znanja, suradnju i umrežavanje na regionalnoj razini, s fokusom na učinkovito upravljanje zaplijenjenom i zaplijenjenom imovinom.

U okviru BAMIN mreže i saradnje u istoj sa Agencijama koje se bave upravljanjem oduzetom imovinom u regionu, Federalna agencija za upravljanje oduzetom imovinom je zaprimila prijedlog memoranduma o saradnji od strane Komisije za borbu protiv korupcije i oduzimanja nezakonito stečene imovine krivičnim djelom Republike Bugarske.

Predmetni memorandum rezultat je prethodnih razgovora između ove dvije institucije o mogućnosti međusobne saradnje i razmjene iskustava u području upravljanja oduzetom imovinom. Iako, predmetni memorandum ne predstavlja međunarodni ugovor, nego isključivo sporazum između dvije institucije po pitanju međusobne saradnje iz oblasti pobježe navedenih u memorandumu, Agencija je zatražila mišljenje od strane Ministarstva pravde Bosne i Hercegovine u pogledu mogućnosti potpisivanja ovakve vrste memoranduma. Do kraja izvještajnog perioda nismo dobili odgovor.

Agencija će u skladu s funkcijom koju obavlja, nastaviti aktivnosti razmjene mišljenja i iskustava, kao i poboljšanja i unapređenja međunarodne i međuinstitucionalne saradnje svih tijela u regionu koji upravljaju imovinom koja se oduzima od organizovanog kriminala i drugih oblika kriminala.

Saradnja i provođenje projekata kroz međunarodno finansiranje

Predstavnici Agencije su u ovom izvještajnom periodu prisustvovali Četvrtom i Petom sastanku Upravnog odbora projekta **EU4Justice** koji se odnosi na podršku u borbi protiv organizovanog kriminala i korupcije u Bosni i Hercegovini na kojima su predstavljeni Prelazni izvještaji i dati pregledi aktivnosti provedenih u okviru izvještajnih perioda, kao i predstavljene buduće aktivnosti/događaji.

Inače, Projekt EU4Justice: Podrška borbi protiv organizovanog kriminala i korupcije u Bosni i Hercegovini je dvogodišnji projekat koji finansira Evropska unija s ciljem unapređenja učinkovitosti, integriteta i profesionalnosti institucija sektora vladavine prava, što će pomoći poboljšanju saradnje između tužilaštava i agencija za provedbu zakona u svrhu povećanja efikasnosti istraga u predmetima organizovanog kriminala i korupcije.

Jedna od komponenti Projekta je i Komponenta 4. - Unapređenje sadašnje prakse i rezultata u pogledu zapljene i oduzimanja nezakonito stečene imovine, koja ima za cilj prevazilaženje prepreka kod oduzimanja i zaplijene imovine, i ista obuhvata slijedeće tri aktivnosti:

- a) Provesti analizu u pogledu učinkovite primjene važećih zakona o oduzimanju nezakonito stečene imovine s fokusom na fazu pokretanja i preprekama za izvršenje.
- b) Procijeniti infrastrukturu i sredstva koja su dostupna uredima za povrat imovine na razini entiteta, te identificirati potrebe s posebnim naglaskom na IKT zahtjeve.
- c) Predstaviti utvrđene nedostatke mjerodavnim tijelima na svim razinama upravljanja i predložiti rješenja na temelju stanja za diskusiju (administrativna pomoć, međuagencijska saradnja, veća sredstva, revidirane i pojednostavljene procedure i slično).

U cilju realizacije navedenih aktivnosti, predstavnici Agencije su u ovom izvještajnom periodu, održali dva radna sastanka sa dotadašnjom voditeljicom projekta gđom Isabelle Arnal, kao i novim voditeljem projekta gosp. Damienom Romestant. Isti su upoznati sa nedorečenostima i problemima sa kojima se Agencija susreće primjenjujući odredbe Zakona o oduzimanju nezakonito stečene imovine krivičnim djelom u Federaciji Bosne i Hercegovine, u cilju planiranja budućih izazova i nastavka projektne saradnje.

I u ovom izvještajnom periodu Federalna agencija za upravljanje oduzetom imovinom je nastavila sa aktivnostima oko pripreme idejnih projekata IPA III 2021-2022. godine. S tim u vezi, dostavili smo informaciju Uredu Vlade Federacije Bosne i Hercegovine za evropske integracije, kao i Direkciji za evropske integracije, a koja se odnosi na finansiranje izrade softvera i IT usluga u okviru potreba za obnovom materijalnih, tehničkih i smještajnih kapaciteta institucija nadležnih za upravljanje oduzetom imovinom u BiH.

Navedeni softver ne bi sadržavao samo podatke koji se trenutno vode u VSTV, nego i informacije koje je Agencija u skladu sa Zakonom dužna prikupljati iz sudskih registara, poreznih Uprava, registra vrijednosnih papira i drugih javnih registara koji se tiču vlasništva nad imovinom.

U sklopu navedenog softvera, takođe bi se razvio i sistem za upravljanje dokumentima, sistem za upravljanje skladištem, sistem za upravljanjem poslovnih procesa u kojoj uposleni koriste različite metode za otkrivanje, modeliranje, analizu, mjerenje, poboljšanje, optimizaciju i automatizaciju poslovnih procesa, kao i web shop. Između ostalog, nabavka ovakvog softvera bi omogućila veću transparentnost i vidljivost procesa postupka upravljanja oduzetom imovinom, te s tim u vezi znatno uticala na povećanje povjerenja građana u institucije sektora vladavine prava.

U okviru realizacije aktivnosti vezanih za IPA III predstavnici Federalne agencije za upravljanje oduzetom imovinom su u ovom izvještajnom periodu organizovali radni sastanak sa predstavnicima Sudske policije Federacije Bosne i Hercegovine i

Federalne agencije za upravljanje oduzetom imovinom i predstavnicom Delegacije Evropske unije u Bosni i Hercegovini.

Na sastanku se razgovoralo o zajedničkim aktivnostima vezanim za podnošenje zahtjeva za Instrumente prepristupne pomoći (IPA III) za razdoblje 2021. do 2027. godine. Inače, Instrument prepristupne pomoći (IPA) je instrument finansiranja Evropske unije (EU) kojim EU podržava reforme u regiji proširenja, dok IPA fondovi jačaju kapacitete korisnika tokom procesa pristupanja, što rezultira progresivnim, pozitivnim kretanjima u različitim sektorima kao što su javna uprava, vladavina zakona, održiva ekonomija, poljoprivreda i ruralni razvoj u cilju koordiniranog djelovanja Agencije i Sudske policije, čime bi se povećala i efikasnost i sigurnosni ambijent u radu pravosudnih institucija. Ovom prilikom smo između ostalog, istakli probleme koje s eodnose na donošenje izmjena i dopuna Zakona, nedostatka skladišnog prostora, problem koordiniranja i zajedničkog izvještavanja, mogućnost organiziranja stručnih edukacija iz područja finansijskih istraga i oduzimanja imovinske koristi pribavljene krivičnim djelom, kao i smještajnog prostora Agencije.

Tokom navedenog sastanka su određeni daljnji pravci djelovanja, te je zajednički zaključeno da s obzirom na svoje nadležnosti, kapacitete i obim poslova, Agencija u saradnji sa Sudskom policijom može dati značajan doprinos u ostvarenju strateških ciljeva u borbi protiv organizovanog kriminala i korupcije.

Saradnja između Agencije i drugih institucija

Iako su zbog novonastale situacije sa COVID-om 19 umanjene aktivnosti oko održavanja radnih sastanaka, predstavnici Agencije i u ovom izvještajnom periodu nastavili sa aktivnostima koje Federalna agencija za upravljanje oduzetom imovinom provodi u okviru uspostavljanja međuinstitucionalne saradnje sa pravosudnim institucijama koje postupaju po odredbama Zakona o oduzimanju nezakonito stečene imovine krivičnim djelom u Federaciji Bosne i Hercegovine.

Poštujući sve epidemiološke mjere izdate od strane nadležnih institucija, u izvještajnom periodu, predstavnici Agencije su održali više radnih sastanaka s predstavnicima pravosudnih institucija na kojima se razgovaralo o nastavku primjene Zakona o oduzimanju nezakonito stečene imovine krivičnim djelom u Federaciji Bosne i Hercegovine i međuinstitucionalnoj saradnji prilikom donošenja i provođenja odluka o oduzimanju imovinske koristi u skladu s odredbama istog Zakona.

Sagovornici su takođe upoznati s planiranim aktivnostima Agencije za naredni period vezanim za provođenje stručne edukacije iz područja finansijskih istraga i oduzimanja imovinske koristi pribavljene krivičnim djelom, kao i sačinjavanju prijedloga Strategije za oduzimanje imovinske koristi pribavljene krivičnim djelom u Federaciji Bosne i Hercegovine i Akcionog plana za njeno izvršenje.

Predstavnici Agencije su u izvještajnom periodu također nastavili održavat redovne sastanke sa predstavnicima Sudske policije Federacije Bosne i Hercegovine, te je na jednom od sastanaka dogovorena i buduća saradnja prema fondovima Evropske unije u cilju realizacije zajedničkih projekata, kao i sa predstavnicima Visokog sudskog i tužilačkog vijeća Bosne i Hercegovine po pitanju nadogradnje CMS/TMS modula vezanog za oduzimanje imovinske koristi stečene krivičnim djelom, te omogućavanja pristupa Agencije navedenom modulu.

Kako smo već naveli u prethodnom izvještaju o radu za period januar – juni 2020. godine, Agencija je započela aktivnosti oko planiranja provođenja edukacija iz područja finansijskih istraga i oduzimanja imovinske koristi pribavljene krivičnim djelom.

Iako je članom 30. stav (1) tačka c) Agenciji data nadležnost za stručnu edukaciju iz područja finansijskih istraga i oduzimanja imovinske koristi pribavljene krivičnim djelom, odnosno članom 31. stav (1) tačka l) Zakona, Agencija u provođenju ove svoje nadležnosti u saradnji s drugim nadležnim institucijama učestvuje u obuci državnih i policijskih službenika i nosilaca pravosudnih funkcija u vezi s finansijskim istragama i oduzimanjem imovinske koristi pribavljene krivičnim djelom, Agencija do 2020. godine nije učestvovala u obavljanju ovih aktivnosti.

Nakon mnogobrojnih sastanaka održanih s Centrom za edukaciju sudija i tužilaca Federacije Bosne i Hercegovine, kao i Ekonomskim fakultetom u Sarajevu i Centrom za istraživanje politike suprostavljanja kriminalitetu (CPRC) u vezi sa pitanjima koja se odnose na postupak edukacija, te planiranja zajedničkih aktivnosti oko realizacije istih, Planom i programom rada predviđene su obuke iz ovih oblasti u 2020. godini.

Međutim, kako iste nisu realizovane zbog novonastale situacije sa COVID – om 19, predviđene obuke su nakon više održanih sastanaka sa Centrom za edukaciju sudija i tužilaca Federacije Bosne i Hercegovine i Centrom za istraživanje politike suprostavljanja kriminalitetu uvrštene u Program i plan obuka Centra za edukaciju sudija i tužilaca Federacije Bosne i Hercegovine za 2021. godinu i iste će se realizovati u saradnji sa Federalnom agencijom za upravljanje oduzetom imovinom.

Kako je ova problematika od velikog značaja, Agencija će započete aktivnosti oko izmjena i dopuna važećeg Pravilnika o unutrašnjoj organizaciji, a koje se odnose na uspostavljanje još jednog dodatnog Sektora koji bi se bavio poslovima edukacije, nastaviti i dalje, a sve u cilju dodatnog unapređenja implementacije aktivnosti vezanih za edukaciju u narednom periodu.

4.5. OPERATIVNI CILJ 5 – INICIRANJE IZMJENA I DOPUNA ZAKONSKIH I PODZAKONSKIH AKATA I DONOŠENJE PROVEDBENIH AKATA KOJI NORMATIVNO RAZRAĐUJU PROCES ODUZIMANJA I UPRAVLJANJA NEZAKONITO STEČENOM IMOVINOM

Primjenom Zakona o oduzimanju nezakonito stečene imovine krivičnim djelom u FBiH („Službene novine Federacije BiH“, broj: 71/14), kao i podzakonskih propisa koji uređuju ovu oblast, uočeni su određeni nedostaci u pogledu istih u domenu upravljanja kako privremeno, tako i trajno oduzetom imovinom, te je shodno tome na bazi praktičnih iskustava u radu Agencije na ovim poslovima, Agencija 2017. godine sačinila radnu verziju izmjena i dopuna predmetnog zakona, te ga uputila u daljnju proceduru usvajanja.

Međutim, obzirom da je od podnošenja ovog propisa u proceduru usvajanja proteklo skoro tri godine, a da isti još uvijek nije usvojen ni u formi nacрта, to je Agencija u ovom izvještajnom periodu pokrenula dodatne aktivnosti na pripremi nove radne verzije ovog zakona, s obzirom da je praksa u međuvremenu pokazala dodatne stvari koje je neophodno zakonom definisati, kako bi sistem oduzimanja nezakonito stečene imovine i njeno upravljanje, bio što efikasniji.

U tom pogledu, Agencija je dana 13.10.2020. godine Vladi Federacije Bosne i Hercegovine uputila Informaciju o realizaciji tačke 2. Zaključka V.broj: 1362/2017 od 19.10.2017. godine i poduzetim aktivnostima u cilju izmjena i dopune Zakona o oduzimanju nezakonito stečene imovine krivičnim djelom Federacije Bosne i Hercegovine sa prijedlogom zaključka.

Vlada Federacije Bosne i Hercegovine na svojoj 241. sjednici održanoj dana 22.10.2020. godine prihvatila je Informaciju Federalne agencije za upravljanje oduzetom imovinom o poduzetim aktivnostima u cilju izmjena i dopuna Zakona o oduzimanju nezakonito stečene imovine krivičnim djelom Federacije Bosne i Hercegovine.

Vlada Federacije Bosne i Hercegovine je ovim Zaključkom potvrdila opredjeljenje o potrebi izmjena i dopuna Zakona o oduzimanju nezakonito stečene imovine krivičnim djelom Federacije Bosne i Hercegovine kojim će se omogućiti da se imovina i novčana sredstva oduzeta po osnovu pravosnažnih presuda proisteklih u obavljanju poslova iz nadležnosti Federalne agencije za upravljanje oduzetom imovinom uplaćuju, odnosno dodjeljuju u humanitarne svrhe i rad Agencije, kao i omogući pretpostavka za efikasniji sistem postupanja sa oduzetom imovinom i očuvanjem njene vrijednosti, te omogući Federalnoj agenciji za upravljanje oduzetom imovinom upravljanje trajno oduzetim predmetima iz krivičnih djela i predmetima i imovinskom koristi pribavljenim izvršenjem prekršaja, a koji su trajno oduzeti u sudskim postupcima.

Vlada Federacije Bosne i Hercegovine je istovremeno zadužila Federalnu agencija za upravljanje oduzetom imovinom da u skladu sa svojim nadležnostima formira radnu grupu za izradu izmjena i dopuna Zakona o oduzimanju nezakonito stečene imovine krivičnim djelom, te da u svojstvu predlagača Vladi Federacije Bosne i Hercegovine uputi prednacrt zakona o izmjenama i dopunama Zakona o oduzimanju nezakonito stečene imovine krivičnim djelom Federacije Bosne i Hercegovine.

U skladu sa navedenim, direktor Federalne agencija za upravljanje oduzetom imovinom dana 27.11.2020. godine donio je Rješenje o imenovanju Radne grupe za pripremu prednacrta Zakona o izmjenama i dopunama Zakona o oduzimanju nezakonito stečene imovine krivičnim djelom broj: 01-30-252/2020 kojim je uspostavljena Radna grupa koja je do sada održala jedan sastanak na kojem su načelno dogovoreni daljnji planovi u vezi izrade ovog propisa.

Shodno navedenom, izmjene i dopune Zakona o oduzimanju nezakonito stečene imovine krivičnim djelom FBiH bi trebale ići u pravcu:

1. Izvršenje sudskih odluka o oduzimanju imovine – fizičko oduzimanje i ulazak u posjed imovine (koji organ i na koji način);
2. Modalitete upravljanja privremeno oduzetom imovinom (mogućnost prodaje, najma i davanja na korištenje privremeno oduzete imovine, prvenstveno motornih vozila);
3. Modalitete upravljanja trajno oduzetom imovinom (prodaja, najam, zakup, korištenje, poklon humanitarnim organizacijama, sportskim klubovima i sl.);
4. Proširivanje nadležnosti Agencije na upravljanje oduzetim predmetima krivičnog djela i prekršaja.

Pored navedenog, namjera je da se predmetnim izmjenama i dopunama ovog zakona proširi nadležnost Agencije i na upravljanje oduzetim predmetima krivičnih djela i predmetima i imovinskom koristi pribavljenim izvršenjem prekršaja. U tu svrhu izvršena je komparativna analiza propisa koji uređuju ovu oblast u Republici Srpskoj, Srbiji, Crnoj Gori i Hrvatskoj, i to u pogledu organa koji upravljaju oduzetim predmetima krivičnog djela. Navedena analiza je pokazala da navedeni pravni sistemi na sličan način propisuju način postupanja sa oduzetim predmetima krivičnog djela, odnosno organi nadležni za upravljanje oduzetom imovinom ujedno upravljaju i oduzetim predmetima krivičnog djela.

Shodno navedenom, u tekstu radne verzije izmjena i dopuna predmetnog Zakona propisana je nadležnost Agencije da upravlja predmetima krivičnog djela i prekršaja i to onih koji se u krivičnom/prekršajnom postupku po odluci suda trajno oduzmu. Također, plan je da se izmjenama Zakona detaljnije definiše pitanje pokretanja izvršnih postupaka pravomoćnih i izvršnih presuda, čija nadležnost je prema postojećim zakonskim odredbama u domenu Federalnog pravobranilaštva.

Naime, određeni broj pravosnažnih i izvršnih presuda kojima se oduzima imovinska korist stečena krivičnim djelom, ostaje neizvršena. Federalno pravobranilaštvo se u velikom broju takvih slučajeva oglašava nenadležnim, smatrajući da pokretanje izvršnih postupaka treba da vrši sud po službenoj dužnosti.

Kako bi se izbjegle nedoumice oko organa koji treba da pokrene izvršni postupak, smatramo da ovu nadležnost treba preuzeti Agencija, odnosno izmjenama zakona jasno i decidno propisati da se izvršenje pravomoćnih i izvršnih presuda kojima je utvrđeno oduzimanja imovinske koristi stečene krivičnim djelom, provodi na prijedlog Federalne agencije za upravljanje oduzetom imovinom.

Također, jedan od problema koji se odnosi na sistem upravljanja oduzetom imovinom u BiH jeste nepostojanje organa koji bi upravljao istom na osnovu presuda koje donosi Sud BiH kojima se oduzima nezakonito stečena imovina. Shodno navedenom, jedna od ideja na koji način da se riješi ovaj problem jeste i to da entitetske Agencije vrše preuzimanje upravljanja predmetnom imovinom, dok se na državnom nivou ne uspostavi organ koji će vršiti te poslove.

U ovom izvještajnom periodu Agencija nije donosila podzakonske akte iz oblasti upravljanja oduzetom imovinom iz razloga što je njihovo donošenje uslovljeno izmjenama i dopunama predmetnog Zakona. U tom pogledu predviđeno je da se zakonom izričito propiše, da će se donijeti podzakonski propis koji će detaljno propisati poslove upravljanja oduzetom imovinom. Shodno tome, uporedo sa izradom radne verzije izmjena i dopuna predmetnog Zakona, egzistira i radna verzija predmetnog podzakonskog propisa koji bi trebao stupiti na snagu nakon usvajanja izmjena i dopuna Zakona.

Osim navedenog, u ovom izvještajnom periodu u skladu sa Metodologijom izrade Programa integrisanja Bosne i Hercegovine u Evropsku uniju, članovi radnih grupa za evropske integracije su u obavezi da pristupe unosu propisa u informacioni sistem ISEI kojima je vršeno usklađivanje sa propisima Evropske unije. S tim u vezi, Federalna agencija za upravljanje oduzetom imovinom je pristupila realizaciji navedene obaveze, kako bi na vrijeme unijeli postojeće propise koji se tiču oduzimanja nezakonito stečene imovine krivičnim djelom unijeli u ISEI sistem.

U izvještajnom periodu predstavnik Agencije je prisustvovao petom sastanku Odbora za stabilizaciju i pridruživanje i petom sastanku Pododbora za pravdu, slobodu i sigurnost između Evropske unije i Bosne i Hercegovine. Tom prilikom Agencija je sačinila Informaciju za dokument za diskusiju, za drugi dio sastanka koji se odnosi na pisane procedure.

Navedeni strateški ciljevi i aktivnosti Agencije u 2020. godini su u cijelosti bili usklađeni s odobrenim finansijskim sredstvima u Budžetu Federacije Bosne i Hercegovine za 2020. godinu.

5. BUDŽET AGENCIJE

Budžetom Federacije Bosne i Hercegovine ("Službene novine Federacije BiH", br. 99/19 i 28/20) Federalnoj agenciji za upravljanje oduzetom imovinom za 2020. godinu određen je budžet u iznosu od 698.618,00 KM.

Rashodi Agencije namijenjeni su za finansiranje plaća, doprinosa i naknada troškova zaposlenih, zatim tekućih izdataka i materijalnih troškova, te nabavku i održavanje stalnih sredstava.

Pregled utrošenih sredstava iz Budžeta Agencije na dan 31. 12. 2020. godine

Rashodi i izdaci

Ekonomski kod	Opis	Izvršenje za period 1. 7 - 31. 12. 2020. (izražen u KM)
1	2	3
	UKUPNO RASHODI I KAPITALNI IZDACI	314.861
	UKUPNO RASHODI	314.861
6111	Bruto plaće i naknade	190.957
6112	Naknade troškova zaposlenih	26.805
6121	Doprinosi poslodavca	20.050
6131	Putni troškovi	850
6132	Izdaci za energiju	4.183
6133	Izdaci za komunikaciju i komunalne usluge	5.996
6134	Nabavka materijala i sitnog inventara	9.111
6135	Izdaci za usluge prevoza i goriva	5.971
6136	Unajmljivanje imovine, opreme i nemat. imovine	20.809
6137	Izdaci za tekuće održavanje	8.972
6138	Izdaci za osiguranja, bankarskih usluga i usl. pl. pr.	5.733
6139	Ugovorene i druge posebne usluge	15.424
	UKUPNO KAPITALNI IZDACI	0
8213	Nabavka opreme	0

6. PRIJEDLOG MJERA ZA UNAPREĐENJE RADA AGENCIJE

Izveštajem o radu i materijalno-finansijskom poslovanju Federalne agencije za upravljanje oduzetom imovinom za period 1. 7 - 31. 12. 2019. godine i za period 01.01 – 30.06.2020. godine definisani su prijedlozi mjera za unapređenje rada Agencije.

Međutim, zbog nastanka pandemije u prethodnom izvještajnom periodu, odnosno proglašenjem stanja nesreće uzrokovane pojavom virusa COVID-19 na području Federacije Bosne i Hercegovine, kao i nastavka preporučenih mjera vezanih za virus i u ovom izvještajnom periodu, te poštujući sve donesene naredbe i preporuke, Agencija nije realizovala predviđene mjere za unapređenje rada Agencije. Zbog navedenog, prijedlog mjera će ostati isti i za naredni period.

U skladu sa navedenim, Federalna agencija za upravljanje oduzetom imovinom je u Planu rada Agencije za 2021. godinu predvidjela određene probleme i rizike koji eventualno mogu nastati prilikom realizacije operativnih ciljeva. Tako, kao mogući problemi i rizici prilikom realizovanja aktivnosti predviđenih **Operativnim ciljem 1 - Očuvanje vrijednosti oduzete imovine** navedena su ograničena budžetska sredstva u smislu da čuvanje i održavanje pojedinih oblika privremeno oduzete imovine iziskuje veće troškove održavanja.

Kako bi prevazišli navedeni problem, Agencija će u skladu sa zakonskim i podzakonskim odredbama predlagati Vladi Federacije Bosne i Hercegovine donošenje Odluka o priznavanju i plaćanju troškova upravljanja, raspolaganja i uništenja imovine.

Kao mogući problem i rizik u realizaciji **Operativnog cilja 2 – Učinkovito postupanje trajno oduzetom imovinom** navedeno je neusvajanje zakonskih i podzakonskih odredbi koje regulišu pitanje drugih korištenja trajno oduzete imovine u odnosu na postojeće regulisane Zakonom. Problem vezan za ovaj operativni cilj, kao i prethodni, a u cilju kvalitetnijeg i efikasnijeg upravljanja oduzetom imovinom, je sačinjavanje i usvajanje Izmjena i dopuna Zakona o oduzimanju nezakonito stečene imovine krivičnim djelom u Federaciji Bosne i Hercegovine.

Kao jedan od problema koji se pojavljuje prilikom upravljanja privremeno, a u pojedinim slučajevima i trajno oduzetom imovinom je i problem skladištenja ove vrste imovine. Naime, zbog specifičnosti poslova koji se obavljaju u Agenciji, a koji zahtijevaju cjelodnevnu mogućnost pristupa skladišnim kapacitetima, kao i osiguranje istih, Agenciji je potreban prostor koji će omogućiti 24 satno obezbjeđenje.

U cilju obezbjeđenja uvjeta za zaštitu i očuvanje vrijednosti oduzete imovine koja se odnosi na privremeno oduzeta novčana sredstva, kao i razne dragocjenosti, Agenciji je također potreban sef, koji bi imao 24 satni nadzor i fizičku zaštitu, te koji bi ujedno bio na raspolaganju službenicima Agencije u svakom trenutku, a u cilju efikasnog upravljanja istim.

Jedna od predloženih mjera za rješavanje ovog problema bila bi obezbjeđenje novog prostora za smještaj Agencije, koji bi raspolagao dovoljnim skladišnim kapacitetima za smještaj privremeno oduzetih vozila, kao i drugih vrsta imovine, kao i sefom u kojem bi se čuvale dragocjenosti i novac, a koji bi imali cjelodnevni nadzor ovlaštenih osoba.

Planom rada Agencije za 2021. godinu, kao mogući problem i rizik u realizaciji **Operativnog cilja 3 - Provođenje analiza u području oduzimanja imovinske koristi pribavljene krivičnim djelom** navedena je nedovoljno ostvarena saradnja s nadležnim sudovima i tužilaštvima, te nedostatak finansijskih sredstava neophodnih za realizaciju planiranih aktivnosti.

Agencija je u ovom izvještajnom periodu nastavila sa započetim zajedničkim aktivnostima oko informatičke uvezanosti u vezi podataka koje dobivamo od sudova i tužilaštava, kao i obezbjeđenje licence za korištenje informacionog sistema.

Kako bi riješila pojavu mogućeg rizika, u narednom periodu bit će nastavljeno unapređivanje saradnje sa pravosudnim institucijama u Federaciji Bosne i Hercegovine, kao i sa Visokim sudskim i tužilačkim vijećem Bosne i Hercegovine.

Kao problem i rizik u realizaciji **Operativnog cilja 4 - Stručna edukacija iz područja finansijskih istraga i oduzimanja imovinske koristi pribavljene krivičnim djelom, unapređenje saradnje i koordinacije između Agencije, pravosudnih organa, policijskih agencija i drugih institucija koje imaju obavezu da postupaju po odredbama Zakona, te uspostavljanje i unapređenje saradnje sa istim ili sličnim agencijama iz zemalja regije i Evropske unije** naveden je mogući nedostatak finansijskih sredstava za realizaciju ovog operativnog cilja, u smislu da organizovanje edukacija, kao i angažovanje eksperata i stručnjaka iz oblasti finansijskih istraga i oduzimanja imovinske koristi pribavljene krivičnim djelom iziskuju troškove, te samim tim uslovljavaju nedostatak finansijskih sredstava neophodnih za realizaciju planiranih aktivnosti.

Kao jedan od glavnih problema u realizaciji ovog cilja u izvještajnom periodu jeste i trenutna unutrašnja organizacija Agencije u kojoj nije sistematizovan Sektor za edukaciju koji bi obavljao poslove iz nadležnosti Agencije koje su joj propisane zakonom, a koje se odnose na stručnu edukaciju iz oblasti finansijskih istraga i oduzimanja imovinske koristi.

Naime, starim Pravilnikom o unutrašnjoj organizaciji ovaj sektor je postojao, te je novim Pravilnikom isti ukinut, iako je članom 30. Zakona Agenciji imperativno data nadležnost da obavlja stručnu edukaciju iz područja finansijskih istraga i oduzimanja imovinske koristi pribavljene krivičnim djelom.

Kako bi se ovaj problem riješio, te dodatno unaprijedila implementacija aktivnosti vezanih za edukaciju u narednom periodu, Agencija je planirala važeći Pravilnik o unutrašnjoj organizaciji Agencije, prilagoditi novonastalim potrebama, odnosno uspostaviti još jedan dodatni Sektor koji bi se bavio poslovima edukacije, te u isti izvršiti preraspodjelu trenutno uposlenih iz drugih sektora, kao i izvršiti novo zapošljavanje adekvatnog stručnog osoblja.

Kao mogući problem i rizik u realizaciji **Operativnog cilja 5 – Iniciranje izmjena i dopuna zakonskih i podzakonskih akata i donošenje provedbenih akata koji normativno razrađuju proces oduzimanja i upravljanja nezakonito stečenom imovinom** navedeno je neusvajanje predloženih zakonskih i podzakonskih akata.

U ovom izvještajnom periodu, kako smo već naveli, Agencija je uputila Informaciju Vladi Federacije Bosne i Hercegovine o poduzetim aktivnostima u cilju izmjena i dopune Zakona o oduzimanju nezakonito stečene imovine krivičnim djelom Federacije Bosne i Hercegovine sa prijedlogom zaključka.

Vlada Federacije Bosne i Hercegovine je prihvatila je Informaciju Federalne agencije za upravljanje oduzetom imovinom o poduzetim aktivnostima i potvrdila opredjeljenje o potrebi izmjena i dopuna Zakona o oduzimanju nezakonito stečene imovine krivičnim djelom Federacije Bosne i Hercegovine, te istovremeno zadužila Federalnu agencija za upravljanje oduzetom imovinom da u skladu sa svojim nadležnostima formira radnu grupu za izradu izmjena i dopuna Zakona.

Shodno navedenom, imenovana je Radna grupa za pripremu prednacrtu Zakona o izmjenama i dopunama Zakona o oduzimanju nezakonito stečene imovine krivičnim djelom, koja je krajem ovog izvještajnog perioda započela sa aktivnostima u vezi izrade ovog propisa.

Kako je kao mogući problem i rizik kod ovog operativnog cilja navedeno neusvajanje predloženih zakonskih i podzakonskih akata, prijedlog mjera Agencije za otklanjanje ovog problema je nastavak aktivnosti vezanih za izradu izmjena i dopuna zakonskih i podzakonskih akata, te donošenje provedbenih akata koji normativno razrađuju proces oduzimanja i upravljanja nezakonito stečenom imovinom.


Istovremeno sa ovom aktivnošću Agencija će pokrenuti izmjene i dopune postojećeg Zakona o krivičnom postupku Federacije Bosne i Hercegovine, kao i Zakona o izvršnom postupku Federacije Bosne i Hercegovine, a u cilju usklađivanja postojećih odredbi navedenih zakona s odredbama Zakona o oduzimanju nezakonito stečene imovine krivičnim djelom čime će se dodatno unaprijedit proces upravljanja oduzetom imovinom.

Napominjemo da je Agencija u ovom izvještajnom periodu započela dosta aktivnosti, već navedenih u izvještaju, koje se odnose na realizaciju predloženih mjera i aktivnosti na uklanjanju mogućih problema i rizika, koje se zbog novonastale situacije prouzrokovane COVID-om-19 nisu odvijale kako je to bilo predviđeno planom.

U narednom periodu Agencija će nastaviti provodit planirane aktivnosti predviđene Planom rada za 2021. godinu, kao i sa aktivnostima koje će se odnositi na prevazilaženje prepreka i otklanjanje uočenih problema. Kako su prioriteta za realizaciju aktivnosti predviđenih Planom rada za 2021. godinu usko povezani sa nadležnostima Agencije, Agencija će poduzeti sve mjere i aktivnosti za realizaciju predviđenih nadležnosti koje se odnose na preuzimanje i upravljanje oduzetom imovinom, sačinjavanje analiza i stručnu edukaciju, a istovremeno će raditi i na daljem unapređenju organizacije i kvalitete rada poslovnih procesa, te samog poslovanja Agencije.

Broj: 01-02- 06 /2021/HK

Sarajevo, 08. 01. 2021. godine



u.v.d. DIREKTOR

doc. dr. sci. Vinko Jakić

04
[Handwritten signature]

Broj: 03-15-893/2020
Sarajevo, 18.01.2021. godine

FEDERALNA AGENCIJA ZA UPRAVLJANJE ODUZETOM IMOVINOM
gosp. Vinko Jakić, direktor

Poštovani,

U prilogu Vam dostavljam Zaključak V. broj: 63/2021 od 14.01.2021. godine, koji je Vlada Federacije Bosne i Hercegovine donijela na 251. sjednici, održanoj 14.01.2021. godine.

Istovremeno Vas informiram da je Premijer Federacije Bosne i Hercegovine, aktom broj: 03-15-893/2020 od 14.01.2021. godine Izveštaj o radu i finansijsko-materijalnom poslovanju Federalne agencije za upravljanje oduzetom imovinom za period 01.07-31.12.2020. godine, dostavio Parlamentu Federacije Bosne i Hercegovine.

S poštovanjem,

Bosna i Hercegovina
FEDERACIJA BOSNE I HERCEGOVINE
FEDERALNA AGENCIJA ZA UPRAVLJANJE
ODUZETOM IMOVINOM
SARAJEVO

PRIMLJENO: 21.01.2021

Organizaciona jedinica	Klasifikaciona oznaka	Redni broj	Broj priloga
	04-02-6-		5/2021



SEKRETAR VLADE

mr. sc. Edita Kalajdžić

Na osnovu člana 29. Zakona o oduzimanju nezakonito stečene imovine krivičnim djelom („Službene novine Federacije BiH“, broj: 71/14) i člana 19. stav (4) Zakona o Vladi Federacije Bosne i Hercegovine („Službene novine Federacije BiH“ br. 1/94, 8/95, 58/02, 19/03, 2/06 i 8/06), Vlada Federacije Bosne i Hercegovine na 251. sjednici, održanoj 14.01.2021. godine, donosi

ZAKLJUČAK

1. Vlada Federacije Bosne i Hercegovine prihvata Izveštaj o radu i finansijsko - materijalnom poslovanju Federalne agencije za upravljanje oduzetom imovinom za period 1. 7. - 31. 12. 2020. godine.
2. Izveštaj iz tačke 1. ovog zaključka upućuje se Parlamentu Federacije Bosne i Hercegovine radi razmatranja i usvajanja.
3. Ovaj zaključak stupa na snagu danom donošenja.

V. broj: 63 /2021
14.01.2021. godine
Sarajevo

